


CHIELA ASAKULA

KALUNGA CHAKULIFUKWILA

 Echenu twimanenu tando yayindende shimbu etu natunongama mitwe yetu nakulomba. Kaha jino, namitwe yetu yakunongama, kaha Ngwafwelela michima yetu ya kunongama, nawa, Ngunashinganyeka vangahi muno ufukuuno vanatondo kuvanuka mukulomba, cha chumachimwe chakulimanyina? Munahase kuzundula livoko lyenu, kuhanjika, “Kalunga, nguhanenu ufukuuno nge chuma Nguli nakutonda.” Echa Mwata amikisule enu.

² Ove Tata wa Mwilu, nge omu etu jino tunalikehesa nakupandama kuli eli Litanda lyalinene lya likoji, ha lufwelelo, etu kutambuka nakuya Nakuambakana; kuze Kalunga, na Vangelo, kaha va Keluve, na vyosena vyakuyoya vya Mwilu kukungulukila hamwe. Mwomwo Ikiye ahanjikile nge kakweshi numba kapyasa kuholoka hamavu chakuzeneka Tata wa Mwilu kuchitachikiza. Nachi hambakanyinanyi Ikiye kutachikiza omwo vathu mahandulendi kupwa na mitwe yavo yakunongama, na kusanyika hali Ove kutonda chakulimanyina. Tata, tala mwishi ha kutonda kaye ufukuuno, mwomwo etu vathu vanatondeka.

³ Kaha Ngwalombo, Kalunga, nge mwomwo etu tunalikungulukila hano na kusolola kuli Ove lufwelelo lwetu muli Kalunga wakuyoya Ou eji kukumbululanga kulomba; etu tuneza nakufuma mukachi ka kaye ka kakuhona kwalamisa, michima na matwitwi, kwiza nakuyoya chiyoyelo chakuhandunuka, kaha kuyoya mukwitavila lufwelelo muli Ove. Ufukuuno etu tunazundula mavoko, na kuhanjika, “Etu twatondeka.” Kalunga Wamwaza, kumbulula kutonda chamuthu wosena.

⁴ Kaha jino, Tata, etu twalombo nge Ove muya nakututambukila ufukuuno mu Lizu. Etu tuneza hano nakutwolola, ha kwivwushisa, nge etu tunahase kutachikiza omu mwakuyoyela mulikumbi lino; chuma muka chakutwala kulutwe, chuma muka chakulinga. Mwomwo, etu tunatachikiza Kwiza cha Mwata chili hakamwihi, kutesekesa na vinjikizo vize tupolofweto vaze veji kunangulanga. Etu tunapandama kulwola, Mwata, omwo kusokoka chivene navakachihana kuli vana Vove. Kalunga, echa, muthu wosena, ali hano, Tata. Kanda kupwa umwe mwajimbalako. Echi chikiko kufwila chetu hano, Mwata. Etu twakuzanga Ove, kaha etu tuli nakweseka kuneha eyi ola.

⁵ Hanjika kuli etu, etu twalombo cheka, ufukuuno. Kaha hindula vakakuviza. Vosena vakakuviza na kuyanda vali muzuvo, etu twalombo nge Ove muya nakuvahindula, Mwata; kaha chikumanyi kuli vakiko valinakutonda vyakushipilitu. Etu twalombo nge Ove unyenga nakuvalwila mwono wosena unajimbala. Zalisa kala mukakufwelela na Shipilitu Wajila. Kaha kutungulula ngolo na Ngolo muli vana Vove vakufwelela. Tuhane evi vyuma, Tata. Etu twalombo chikuma, mwomwo Ove watulwekele etu kulomba, “kulomba mukulisala, kulomba ha vyuma vyavinene, vavavulu vavo,” nge kuwahilila chavo chinahase kupwa chakuzalilila. Kaha etu twavalombela vakiko mu Lijina Iya Yesu Kulishitu. Amena.

Echa mutwame.

⁶ Kakavulu tulanjile eli lisesa lyalinene ufukuuno, kukinduluka hano hakamenga cheka, muno mushikola yayinene, kuliwana navathu vambwende vanakunguluka nakwivwulila Mujimbu wamwaza. Ngwalombo keke ya Kalunga kungukafwa yami kumilweka Muchano nge omu Ngunatachikiza Muchano. Ikiye hanga nahase kusoka tunwa twa vathu, mwomumwe nge omu Ikiye ahashile kusoka kanwa ka ndumba. Kaha kachi Nanguhasa kweseka kuhanjika kalachuma chize chapwilenga chakuhenga kulimbalaka na punga Yenyi, kulomba chami chivene chinapu Ikiye mwahasa kusoka kanwa kami, mangana Nguhona kuhanjika echi. Mwomwo, mwamuchano, Ngwatondo kupwa Mwilu, amilyavene; kaha Nanguya nakupwa kuze, kaha, kusali yavyosena, Nanguya nakupwa twamina wakwonga, muthuumwe nalingi chumachimwe chakwonga. Kachi Nanguhasa kulinga echi, chili mwomwo Ngunahona kutachikiza na chihandwa chauchi. Echa Mwata amikisule.

⁷ Jino, hamene na chimene, kachi nachiya nakupwa punga ya Kalunga, Nanguya nakuhanjika ha mutwe wachihande, *Kumbata Na Kulukulula*. Kaha etu twafwelela nge ove muya nakwiza, kaha kuneha sonekeso na mapapilo. Etu katweshi kushimbulako, oloze Nangusaka ku. . . Echi chikiko kufwila chami kukinduluka kuno, chatete, mu Indiana, echi Ngwamishikile enu ngachize. Kaha Nanguya nakweseka, hamane nachimene. Kachi Nanguhona kupwa nawo hamene nachimene, Nanguya nakupwa nawo na hamene na ufuku. Oloze Nanguya nakweseka hamene na chimene, kachi nge Mwata netava, kuhanjika ha mutwe wachihande, ha vishinganyeka vya mashikola avali. Kaha echa Kalunga atukafwe etu kutachikiza nge ou unapu Muchano, kutachikiza kaha Muchano, shikaho etu tunahase kutambuka mu Muchano kaha na Mukumunyika. Etu. . .

⁸ Munatachikiza, twapwilenga na sepa wamulatu wamwaka. Ikiye ahanjikile kuli yami, ikiye ngwenyi, “Ndumbu walunga Billy,” ikiye ngwenyi, “Ngwa—Kangwazangile kala ukalu kuze

kukalwiji.” Ikiye ambile ngwenyi, “Ngwatondo kupwa natiketi yami mulivoko. Kaha omwo kapyololo mwemba, Kangwatondele kala ukaluko. Ngunalombo Mwata, kunyima chikuma okwo, kachi kuli kala chuma chakuhenga, echa nguchikumise hano vene,” ambile ngwenyi, “mwomwo nachiya nakupwa milima na kuvuma chize chimene omwo mbopolo nayikakokeka nakuya kusali yikwavo.” Ambile ngwenyi, “Kangwatondele kala kungwimikako. Ngwatondo kulizakamina vyosena evi jino.” Omu mukiiko etu tuli hano, kweseka kuzakama vyosena vyakungwimika, shikaho mangana tutambuke kwosena hali luze lwola.

⁹ Jino, Kangweshi kuhanjika kuli enu nakushimbulako ufukuuno, mwomwo etu tukwechi kutangisa hamene. Kaha jino Ngunayi, kumwe nawa, kuliweka, kutangisa chikwavo.

¹⁰ Oloze, jino, mu Mukanda wa Lushimbi lwamuchivali. Ngwatondo kutanga kufuma ha kapetulu 16, jivasi jatete jitatu, ja Lushimbi lwamuchivali 16:1 nakutwala ha 3.

*Lamenu kakweji wa Avive, mukalinge paseka...
kuli YEHOVA KALUNGA kenu: ...mu ha (wamuchiwana)
kakweji wa Avive YEHOVA KALUNGA kenu amilowele—mu
Ejipitu naufuku.*

*Muka muvatwila YEHOVA KALUNGA kenu vimuna
va paseka, ava vakumautanga avimuna vavandende
na wawa avangombe, kuze mwakasakula YEHOVA
nakutwamisako lijina lyenyi.*

¹¹ Jino, mutwe wami wachihande ufukuuno: *Chihela Asakula Kalunga Chakulifukwila.*

Kachi enu namutalisa kanawa, kakweji A-v-i-v-e...-napu, kulumbununa, “Kambambanalisa.” Ou kakweji Kambambanalisa napu omwo vakiko vavalowele.

Kaha jino chuma chaungeji chinapu etu ufukuuno, kupwa mukakulifukula ka Kalunga, mulilino likumbi nge etu twayoyelamo, kaha etu tunawane vavavulu na vishinganyeka vyakuhandunuka vathu. Kaha kachi kaha vishinganyeka vyakuhandunuka hachuma kana, kuze kwapwilenga vihula vyakuhandunuka; kwatela kupwa umwe wamuchano kukumbulula kala chihula chize navahula.

Kachi Nanguhasa kuhula chihula, “Chuma muka *echi?*”

“Chamwaza,” vakiko navahanjika, “chitwamo chakusonekela.”

“Chuma muka *echi?*” Talenu?

¹² Jino, kuze, muthumwe kuhasa kuhanjika, “Keshi chitwamoko. Yinapu livaya.” Chamwaza, *echi linapu livaya*, oloze ohonyi chitwamo. Enu mwamono, kuliko umwe wamuchano kuli *echi*.

Kaha kachi Nanguya nakulomba chihula hali kala chuma, kwatela kupwa kukumbulula chivene. Kuze kunahase kupwa chumachimwe hakamwihi kuliehi; oloze kuze kwatela kupwa muchano, kukumbulula chivene kuli kala chihula. Shikaho, shikangaho, kala chihula nachiza muviyoyelo vyetu, kwatela kupwa muchano, kukumbulula chakwoloka.

¹³ Kaha jino, lelo, etu kwivwa—kwivwa echi kuhanjika, shikaho vathu vavavulu vetu muno mukaye lelo . . .

Hakupwa kamishonali, napunga na mishipili nakuzauka tulungalwiji na kuhita mukaye, Ngunapunga mukuliwana na vakakulifukula vakuhandunuka, nge va Buddha, na Mohammedan, kaha Sikhs, kaha Jains, na kalamwosena, wa vakakulifukula vamukaye. Kaha jino hano muno mwetu mu United Staes; kaha mafuchi eka, kuliwana na osena mauka akuhandnuka, nge mauka achikungulwilo, kuputuka na Katolika yamu Loma, kaha jino kuli va Ngiliki, kaha navyacho, kaha na—na malisesa akuhandanuka, kaha jino kwishi nakwingila mu . . . visemuniino yosena, cha nayini handulendi na kaha vikungulwilo vya Vakakulikanga.

Jino, umwe wetu wosena, mukiko, ove unahase kumona aze mangana, kaha Kangwehi kuvapaisako. Umwe wosena vakiko vapwilenga nachuma, vakiko vapwilenga na muchano. Kaha vathu vapandama kuli aze mauka vatela kufwelela echi, mwomwo vakiko valumbikile va—va mauka, makumishilo Hayamyaka, ha kunangula muliuka. Kaha vakiko vapwilenga vakuhandnunuka chikuma, umwe kufuma kweka nayi handulendi chumachimwe na chumachimwe ha vihandwa vyakuhanunuka vihula.

Shikaho, kupwa nayi kupwa na nayi handulendi na chumachimwe chihula chakuhandunuka, kuze kwatela kupwa Kukumbulula chakwoloka. Kaha Ngunatondo etu ufukuuno, kupwa nge etu tuli nakweseka kuya Mwilu, na kuliwana chetu Mwata Yesu Ou twazanga, Ngunatondo kutala mu Visoneka yakuwana echi.

¹⁴ Jino, kachi echi chinapu chihula cha Mbimbiliya, kahajino chatela kupwa kukumbulula cha Mbimbiliya. Echi chatela kachatela kwiza nakufuma mulizavu lya malunga, kufuma mukala kulikata, mokomoko kufuma muli vakakulinangula vamwe, mokomoko kufuma muchikungulwilo chimwe. Chatela kwiza kufuma mu Chisoneka, kuze kuli kuliwana cha Kalunga chili kulihi, kulifukula. Kaha punduvne, kupwa Kalunga, kuli chihela kumwe, nge Ikiye eji kuliwananga.

¹⁵ Jino, etu tunawane hano nge mu Lushimbi lwamuchivali hano, ha kuputuka, Mose kutungulula cheka Chisoneka, vyuma vize ikiye avalwekele vakiko, omu Ikiye ava fumishile na chuma chachinene, livoko lyangolo, kulovoka mu Ejipitu, kaha avangilile kuvazamisa.

Vakiko vapwile vakusanyika “vathu ja Kalunga” palanga vakiko vejile nakulovoka mu Ejipitu, kaha jino vakiko vavavulukile kupwa “liuka lya Kalunga.” Mwomwo, liuka linapu kukunguluka, mokomoko, mukiko vene, *liuka* kulumbununa “vakusanyika,” vaze vanapunga vakusanyika. Kaha vakiko vejile nakulovoka mu Yijipitu, mangana vapwenga liuka.

¹⁶ Jino Kalunga avalwekele vakiko, omwo vakiko...shimbu kanda vakiko vapwenga tembele na kala mwosena omwo vakiko valingile, “Nanguya nakusakula chihela cha kulifukula Chami, kaha Nanguya nakuhaka Lijina Lyami muli echi.” Kaha echi chikiko kaha chihela chize Kalunga nahase kuliwana na kala muthu, chapwilenga ha kusakula Chenyi Ivene. Ikiye asakula chihela Chenyi, kaha kuze kukiko Ikiye asakula chihela Chenyi, Ikiye ahakaho Lijina Lyenyi, vasi 2 hano kutulweka chize; Ikiye mwaya nakuhaka Lijina Lyenyi hachihela chize Ikiye nasakula vathu kulifukwilaho Ikiye. Jino, chuma chivene chili, etu twatondo kuwana kulihi kuli chize chihela.

¹⁷ Na handulendi na chumachimwe vishinganyeka vyakuhandunuka, kupwa kaha tuli nakuhita kulifukula chosena chavakuzeneka kutachikiza kalunga, kaha kuhanjika hali kulifukula cha Vakakulishitu. Uze napu, Ngukwechi kwivwa cha vakakuzeneka kutachikiza kalunga mokomoko Kachi kangwayile kuzeko na kuhanjika kuli vakiko. Oloze, vakiko vanapu vakuhenga. Vakakulishitu chikiko kaha kulifukula chinapu chamuchano, kupwa Vakakulishitu. Kaha Ngunakuhanjika vene mwomwo Ngunapu Mukakulishitu; mwomwo, Ngwafwelela nge uze unapu Muchano. Echi chinapu kulifukula kaha chize chakwoloka.

¹⁸ Ngunapunga kuchimbumbembe kuze uze chimbulu utoma veji kumutambasana namukwavo hanyima ya jiola jiwana. Kuze, Mohammad, uze kapilishitu wamunene kaha—kaha twamina wakushisa Kulishitu, atelele kupwa kapolofweto, kaha Ngunakakasana oloze chuma muka ikiye apwilenga, hanyima ya ndumbu vamaunga va Maccabee. Oloze omwo vakiko... Ikiye afwile. Ikiye ahanjikile nge ikiye mwaya nakusangula cheka kaha mwakaya nakufungulula kaye kosena. Jino, hanyima ya jiola jiwana vakiko kutambasana vakakulonda, kaha vakiko kulama chimbulu utoma ha chimbumbembe. Vakiko vali, ha myaka tu sauzande, kumutonda kusanguka cheka na kufungulula kaye. Oloze mwamono... .

¹⁹ Kaha enu muli nakuya ku Buddha; Buddha kuyoya myaka handulendi, ha twende seli handulendi yamwaka kunyima okwo, kalunga ka—ka Japan. Kaha shikaho ikiye apwilenga mukakushinganyeka chikuma, chumachimwe nge Confucius, na vangocho.

Oloze vosena vaze, ha . . . vakukuwana, kaha navyangocho, vosena vafwile na kushinganyeka chavo chikuma, kaha vamufungile na muchimbumbembe.

Oloze Ukulishitu, echi chakuzamisa kuli Yesu Kulishitu, kuli chimbumbembe chaupolongwa. Ikiye apwilenga Lunga kaha ukawenyi kwimana hamavu, kaha kuyoyelamo nakuhanjika, “Ngukwechi ngolo jakuhana chiyoyelo Chami na kasangula cheka.” Kaha Ikiye alingile echi. Kaha Ikiye ayoya lelo.

Kaha etu tunatachikiza Ikiye ayoya, mwomwo Ikiye ali na kutulweka Lyavene ha vinjikizo na vikomwesa, nge Ikiye ashikile nge Ikiye mwaya nakuchilinga. Chikumanyi, nge Panda ya mulangi wa Kakahya kutwaminyina vana va Isalele kuhita muze mupambo, Echi chili lelo nayetu, kaha ambachile Echi chifwanyisa; kuzachisa vinjikizo na vikomwesa vaze Ikiye ashikile Echi namuya nakulinga lel, kumona Mazu osena aze Ikiye ashikile kusoloka mulikumbi lino. Shikangaho, vosena vaze vakuzeneka kutachikiza kalunga kaye kulovoka. Echi chili Ukulishitu!

²⁰ Jino, kupwa kuze nayini handulendi na chumachimwe vihula hali Kalunga kuliwana, “Ikiye kuliwana na va Mesondisiti, mokomoko Ikiye kuliwana mu Mbaputishiti, kaha Ikiye kuliwana muli *echi*, na *chize*, kaha na *chikwavo*.” Jino, kuli chihula kuze, shikaho kalamuthu atela kutonda ulwilo wenyi ivene na woma na kuchikima.

Oloze ufukuuno Ngwatondo kweseka kuwana, na kwinjikiza mu Chisoneka, kuze kuli chihela chakwoloka kukiko Kalunga eji kuliwanyinanga na kulifukula na vathu. Jino, kachi chinapu chikiko, chikiko chinapu chihela Ikiye mwaya nakuliwana.

²¹ Jino, etu twambatanga echi kutanga kufuma mu Lushimbi lwamuchivali. Eli lizu lya chi Greek likwechi ulumbunuiso uvali, mokomoko, echi china lumbununa “jishimbi jivali.” Eli lizu mu Greek, *Lushimbi lwamuchivali*, kulumununa “jishimbi jivali jakuhandnunuka.”

Kaha omu mukiko Kalunga atwama na, jishimbi jivali jakuhandnunuka. Kaha lumwe lwavo lunapu lushimbi lwa kufwa, kaha lukwavo lunapu lushimbi lwa Kuyoya. Kalunga atwama na jishimbi jivali. Kumukavangiza Ikiye, kaha kuzachila Ikiye na kulifukula Ikiye, chinapu Kuyoya; kukana Echi chinapu kufwa. Kuli jishimbi jivali muli Kalunga.

²² Jino, lumwe hali eji jishimbi jivali vajita- . . . vajitachikijile ku kaye, ha Pili ya Shinayi. Kalunga ahanyine lushimbi kuli Mose na Isalele. Keshi lushimbiko lwa kuvakafwa vakiko, oloze lushimbi kaha kuvenyikila vakiko vapwile vakashili. Palanga naluze lwola, vakiko kavatachikijileko shili yapwilenga chumamuka, palanga vakiko vapwile na lushimbi. Vakiko kaveshi kupwa na lushimbi chakuzeneka kuzangamisa. Lushimbi kalweshi kupwa lushimbiko,

chakuzeneka kuzangamisa. Shikaho, shingangaho, “Kuhokola lushimbi chinapu shili, kaha fweto ya shili kufwa.” Shikaho, palanga nomu Kalunga atangile lushimbi, kakwapwile kuhokola jishimbi kajapwilengako.

Kachi kakweshi lushimbiko hano lwakuhanjika ove kaweshi kuhasa kulaha twende miyilosu ha ola yimweko, jino ove unahase kulaha kuhambakana miyilosu ha ola. Oloze nge kuli lushimbi lwakuhanjika nge kaweshi kulinga echiko, jino kuli lushimbi kaha kuzangamisa kunyima yacho.

²³ Jino, kufwa, lushimbi lwakufwa, lwapwilenga lushimbi vahanyine ha Pili ya Shinayi, lwangulwekele nge muthu napu mukashili. Kaha, kuzombojoka jishimbi ja Kalunga, ikiye afwile. Oloze kakweshi ulwilo muli lushimbiko. Va . . . Apwile kaha kapokola uze nahase kukuhaka mujele; kwauchi chinahase kukufumisamo.

Oloze jino Ikiye ahanyine lushimbi lukwavo lushimbi, uze apwile ha Pili ya Kavali, kuze shili vayitachikijile muli Yesu Kulishitu, kaha kuli fweto yakufweta. Kaha keshi na . . . Chakuzeneka lushimbi, “oloze ha likoji ove vakulwila,” ha likoji lya Kalunga, kuhichila mukutongola cha Kalunga kupwa kutachikizaho lyehi chove.

²⁴ Jino etu twamono jize jishimbi jivali, Lushimbi lwamuchivali, kuhanjika ha jishimbi jivali. Kwapwilenga jishimbi jivali. Umwe apwilenga lushimbi lwa kufwa, kaha mukwavo lushimbi lwa Kuyoya.

²⁵ Kuze kwapwilenga nawa chivwasano chivali kuhana vathu. Etu tuli nakuya nakuhanjika muli vakiko muchimene.

Umwe wavo vamuhanyine kuli Alama ha seteko, “kachi ove mulinga *echi* kaha kanda kulinga *chizeko*,” oloze luze lushimbi vahokola. Alama, Eva kuhokola chize, mu litepa lya Milemba.

Jino Kalunga atungile chivwasano chamuchivali, kaha kuhana Apalahama, na lushimbi lwapwilenga lwakuzeneka lushimbi. “Echi kacheshi chuma ove unalingi mokomoko chuma muka muya nakulinga;” Ikiye ngwenyi, “Ngunachilingi lyehi.” Eli likiko likoji. Luze lukiko lushimbi lwa Kuyoya. Kalunga amulingilile Apalahama na Mbuto yenyi nayikeza, chize, yosena chinapu Mbuto ya Apalahama.

Nge omu yahanjika Mbimbiliya, “Vosena va Isalele navakaya nakuvalwila,” oloze chize kachalumbunukile ngwavo Vayuleya ko. Nge omu Paulu ambile ngwenyi, “Uze ka Isalele ze ali mukachi mokomoko kuweluka wa Isalele.” “Kuweluka,” nge etu kuhanjika ufuku ukwavo, apwile vana va Isalele, vau usunda. Oloze lushimbi lwa Kalunga lwapwilenga muli Kulishitu, uze apwilenga Mbuto ya Apalahama ya Wangana, luze, “ha likoji lyosena lya Isalele vanatulwili.” Echi chili, “Vosena vaze vali muli Kulishitu vanawalwili,” vosena, chivwasano cha Kalunga chamuchivali. Oloze vyuma vyosena vyatachikijile Kulishitu.

²⁶ Jino talisenu ha vasi 2. Kapetulu 2 hano mu Lushimbi lwamuchivali 16, “Kulifukula muchihela chize Ngunasakula.” Jino enu mwatela kulifukula Kalunga, Ikiye ngwenyi, “Muchihela chize Ngunasakula,” keshi kala muthuko asakwile, oloze, “chuma Ngwasakwile.”

Jino, kachi Kalunga asakwile chihela, chatela etu kahajino kuwana vize Ikiye ahanjikile hali chize. Kaha chili kulihi? Ngwatondo kuwana echi, mwomwo, mwamuchano, Ngwatondo kulifukula Ikiye.

Etu vosena tuli hano, ufukuuno, kulifukula kuli Ikiye. Etu tunatwame hano ufukuuno, nge Mesondisiti, Mbaputishiti, Katolika, Jehova Witness, Christian Science, na vosena, oloze etu tuli vosena nakutonda chumachimwe.

Etu twatondo kutachikiza Muchano. Eyi Mbimbiliya ngwayo, “Ove naukatachikiza Muchano, kaha Muchano nauya nakulingisa wakukasunuka.”

Muthuumwe, ove kaweshi kuhasa kutachikiza chuma uli nakulinga, ove unahono kutachiza mwakulingila palanga ove unatachikiza mwakulingila; ove unahono kutachikiza chuma chakulinga palanga ove unatachikiza echi, pamo. Enu mwatela kutachikiza chuma muka muli nakulinga na mwakulingila.

²⁷ Echi chinasoloka nge Kalunga atwama na chihela cha vakakulifula Jenyi, muli chihela chimwe. Muli chize chihela, kaha, Kalunga kuliwana vakakulifukula Jenyi.

²⁸ Jino, nawa, chihela Ikiye kusakwila vakakulifukwila Jenyi, Ikiye avulukile Ikiye mwahaka Lijina Lyenyi. Jino echa tutalenu nakuwana na kuwana, kuhichila mu Chisoneka, kuze kuli chihela echi. Punduvane, kachi Kalunga ambile ngwenyi Ikiye mwaya nakuhaka Lijina Lyenyi muli chino chihela kuze Ikiye asakwile kuliwana na vathu kaha kulifukula na vakiko...mokomoko vakiko kulifukula Ikiye, pamo, echi chili chumachimwe mu Mbimbiliya, mwomwo chapwilenga visemunuino vyosena.

²⁹ Kaha uze Kalunga wamunene wakuzeneka kwalumuka. Muthu eji kwalumukanga. Oloze ove unahase kuhaka chiyoyelo chove hali kalachuma chize Kalunga ahanjikile kala lwola, mwomwo chinapu Muchano. Ou unapu Muchano. Mwomwo, chikiko chumachimwe Ngunahase kupwa na lufwelelo, shina Mbimbiliya. Mwomwo, lizu lya muthu kalyeshi kuhonako, oloze Kalunga apwa wakulitulaho.

Uno mwaka Ngwatela kutachikiza kuhachikiza kuhambakana omu Ngwatachikijile mwaka unahichi. Ove watela, nawa, kala likumbi. Etu tukwechi makumishilo, shikaho etu tunakungalanya chinyingi.

Oloze Kalunga apwa wakuzeneka maputukilo. Ikiye apwa kuzeneka kuputuka na kukumisa. Kaha, kupwa wakutachikiza

lutwe na nyima, Ikiye keshi kuhasa ku chinyingiko. Ikiye apwa wakukupuka, kukuputuka. Kusakula chosena chatela kupwa vene chakwoloka.

³⁰ Kaha mujila Kalunga alingile lwola lumwe, Ikiye atela kulinga mujila kana, mokomoko Ikiye alingile mwakuhenga omwo Ikiye alingile lwola lwatete. Kachi muthu mweza kuli Kalunga ha ulwilo, ha chikuku chize Ikiye amutavilile, echi chatela kuchitavila ha chikuku lwola lwosena. Echi chakwoloka. Kachi muthu mweza kuli Kalunga mwomwo ya kuka cha Ukalunga, kaha Kalunga mwamwitavila ikiye hali echi chikuku, muthu wamuchivali kwiza, Ikiye kwitavila ikiye mujila yoyimwe, mokomoko Ikiye alingile mwakuhenga omwo Ikiye atevilile muthu watete. Kalunga atangile chikuku chize Ikiye mwahasa kuliwana na muthu. Ikiye atangile chikuku Ikiye mwaya nakulinga, nomu Ikiye mwalingila, kaha chize chapwilenga kuhichila mumulambu wa manyinga amwana mukoko muze Mumilemba. Kalunga kanda lyehi, lwolalumwe, alumuke.

³¹ Ikiye asakwile omu Ikiye mwalwilila muthu. Etu tuneseka lelo kutangisa muthu muli echi; etu kweseka kuvatangisa vakiko, kweseka kuvatangisa vakiko, kweseka kuvayula, kweseka kulinga mwosena miyachi ya vyuma vyeka; kuvengisamo, kuvanyikisamo, kuvajimikamo, kala jila kuze, kuvanehamo kuhichila mujisona. Oloze hanga asala, mwomumwe, Kalunga eji kuliwananga na muthu mwishi ya Manyinga a Mukoko. Manyinga apwa jila ya Kalunga mukuputuka na Manyinga anapu jila ya Kalunga ufukuuno. Chinahase kupwa chamwaza kupwa nakuzangamisa kaha vyuma vyosena, oloze ulwilo kaha kwiza nakuhichila mu Manyinga. Manyinga anapu kaha jila yimwe ize Kalunga asakula kulwila muthu, kaha Ikiye keshi kuhasa kwalumuna echiko.

³² Yopa apwile nachuma chochimwe. Ikiye atachikijile nge ikiye apwile wakwoloka, mwomwo ikiye ahanyine uze—uze mulambu uze Kalunga atondele kuli ikiye.

³³ Jino, echa etu tutonde jino mangana tumone echi chihela chumamuka, kaha chihela Ikiye ahakaho Lijina Lyenyi. Etu natuya nakuwana okwo Ikiye ahaka Lijina Lyenyi. Jino, kachi etu natuwana Lijina lya Kalunga lika kaha kulih Ikiye Alihaka, jino etu tukwechi chihela chakulifukwila washiwashi nge natuwana.

Vyuma vyosena, mukiko vene, chapwilenga muvwimbimbi wa vyuma vili nakwiza. Lushimbi lwosena lwapwilenga muvwimbimbi wa vyuma vili nakwiza.

³⁴ Chochimwe nge, kakweji napu muvwimbimbi wa likumbi. Eji kumunyika mulwola lwakuzeneka likumbi, kupwa nge Liuka lyeji kuzata mwakuzeneka M-w-a-n-a Kalunga. Muze

mwakuzeneka Mwana, Kumunyika chachindende, eli Liuka, vakakufwelela, kuzachila Kalunga na kuhana Kumunyika mukachi ka Mwana walunga. Oloze omwo likumbi nalitutka, ove kaweshi kuhasa kumona kakwejiko cheka, mwomwo nashikumuka. Echi kacheshi kutondeka kumunyika chekako, mwomwo kupwa nakumunyika chenye chinapu chamuchivali, kwakuzeneka musana. Jino, nge lunga na pwevo, likumbi na kakweji, Liuka na Kulishitu.

³⁵ Jino etu tunawane, nge, vyuma kana kupwa muvwimbimbi wa Kulishitu. Kala mulambu, chilika, na vyuma vyosena mu Tesitamende Yamwaka, muvwimbimbi wa Kulishitu; kupwa kaha na muvwimbimbi kuveta hamavu. Jino hano hakiko etu natuya nakuwana chihela chakwoloka cha kulifukula, chili kuya nakukinduluka hano mu Tesitamende ya Mwaka kuze vayihanyine na kumona vyuma kana vili kulihi.

³⁶ Jino, omwo muvwimbimbi nawiza nakuhita hamavu, ove unahase kutachikiza nge lunga, pwevo, mokomoko chisuma, mokomoko kala mwoyosena nachihasa kupwa, mwomwo yili nakumbila muvwimbimbi helu hamavu. Kaha nge muvwimbimbi nauhiha, muvwimbimbi hakupwa keshi chuma chiveneko; kaha kakweshi kuhasa kupwa na muvwimbimbi chakuzeneka kupwa na chuma chivene. Shikaho, omwo chuma chivene kwiza nakupwa hakamwihi na mwimbimbi, kaha muvwimbimbi veji kuumina muchuma chivene. Muvwimbimbi na—na chuma chivene kwiza hamwe, kaha chize chikiko cheji kuchilingisanga kupwa chumachivene.

Kaha kachi “vyosena vyakumwaka,” eyi Mbimbiliya ngwayo, “mu Tesitamende Yamwaka, yapwile muvwimbimbi wa vyuma vili nakwiza,” kahajino shikangaho Kulishitu apwile muvwimbimbi wa vyuma vili nakwiza.

³⁷ Shikaho etu vanahase kumona, ha muyachi wa Tesitamende Yamwaka, kuze Ikiye asakula kuhakaho Lijina Lyenyi, kaha na...hano jino. Jino, nge muvwimbimbi wapwa nge... unazauka hamavu, Ngwambile ngwami, unapu muvwimbimbi wakuzeneka kumona, hakupwa muyachi kaha, mukiko chili naetu, vakakulifukula, nawa tweji kumona muvwimbimbi ya Tesitamende Yamwaka kujimangana muli chize chivene cha Chihya.

³⁸ Jino, viwanyino vyosena, makumbi akunoka, jimbilaka josena, mitondo yosena, vyuma vyosena mu mbalaka, vyuma vyosena vyamanyinyine Kulishitu. Milambu yosena, jishimbi josena, vyuma vyosena vyapwilenga chifwanyisa cha Kulishitu. Etu tunapunga nakuhita muli echi, lwola hanyima ya lwola, hano ha mbalaka.

Kahajino etu twamono, ha evi, vize jishimbi jauthu, na chikungulwilo vinafumu kunyima. Echi chinapu mukulaha,

mwosena. Kala shimbi, kala liuka, kala chikungulwilo, vanachiseze vene. Kakweshi numba chihela chavakiko ko.

³⁹ Kakweshi chumachimwe navafwanyisa mu Tesitamende Yamwaka, mokomoko kwosena mu Mbimbiliya, ya liuka, oloze kulinunga cha kushijila cha kaposhi ka Mbabilone. Echi chikoko kaha chuma chamuyachi wa kulinunga. Mwomwo, yapwile hali Nimrod, lunga wamupi uze ayile nakulovoka na kushinjila osena mafuchi amandende kwiza nakwingila chihela chimwe na ou kaposhi wamunene. Echi chapwilenga kulifukula cha kulifukula, mukiko vene, oloze kuhona kutachikiza mu Lizu lya Kalunga. Shikaho kuze kukiko enu muli nakumona kulifukula cha vikungulwilo, kaposhi ka Mbabilone, mu Tesitamende Yakamwaka. Kupwa, kulifukula chapwilenga vene kulifukula, oloze keshi kulifukula cha Lizu lya Kalunga ko.

⁴⁰ Kalunga kasakula kuhaka Lijina Lyenyi mukala chikungulwilo. Ngwatondo Chisoneka hali echi, kachi chili. Ngunatachikiza vamuvulukile Ikiye kupwa vene, oloze Ikiye kahashileko. Ikiye keshi kuhasa kuhaka Lijina Lyenyi mu vihela vyavivulu, mwomwo Ikiye ambile ngwenyi Ikiye kuhaka Lijina Lyenyi muchihela chimwe. Kaha, chihela chimwe, awa osena chikungulwilo vyatu kutanda kuhanjika vakiko kupwa muze muchihela, oloze chapwile chakulimbalaka.

Oloze kulihi Ikiye ahakile Lijina Lyenyi?

⁴¹ Jino, kaha, Ikiye, lijina muka Lijina Lyenyi, chatete? Etu natuya nakupwa na (Lijina) kuwana Lijina lya Kalunga shimbu kanda etu tunahase kutachikiza chuma muka echi Ikiye ali nakuhaka muchihela.

Jino, etu tunawane nge Ikiye apwilenga navifulo yayivulu. Ikiye vamuvuluka kupwa. . . Ikiye vamuvuluka “Tata,” kupwa chifulo. Kaha Ikiye vamuvulukile kupwa “Mwana,” kupwa chifulo. Ikiyevamuvuukile kupwa “Shipilitu Wajila,” kupwa chifulo. Ikiye vamuvulukile kupwa “Losa ya Shilone,” chinapu chifulo. “Liya lya Chinema,” chifulo, “Litota lya Chimene.” “Yehova yile, Yehova lafwa,” majina akuhandunuka, amavulu, majina kusokoka, kaha vifulo vyenyi. Kakweshi majina amwe apwile eyi.

Oloze Ikiye atwama na Lijina.

⁴² Omwo Ikiye aliwanyine na Mose, Ikiye kapwilenga na Lijina ko, kaha Ikiye amulwekele Mose, “YAMI NGWAPWA.” Kaha omwo etu natumona Yesu hano hamavu, kuhanjika mu Hepelewu kapetulu 6. . . Ngukonekelenuko, Mukakujila Yowano kapetulu 6. Ikiye ngwenyi, “YAMI NGWAPWA.”

Vakiko vambile ngwavo, “Mwomwoika, Ove unapu Lunga keshi wamwaka fifiteko myaka yakusemuka, kaha kuhanjika nge Ove ‘kumona Apalahama?’”

⁴³ Ikiye ngwenyi, “Shimbu kanda Apalahama apwengako, NGWAPWA.” Kaha “YAMI” apwilenga Umwe, chiputa chakuwema, ize Panda ya mulangi wa Kakahya uze wapwilenga muchiputa chakukwata mumakumbi a Mose, uze “YAMI NGWAPWA.”

⁴⁴ Kaha jino etu tunawane nge Yesu ambile ngwenyi, nawa, “Ngwejile mu Lijina lya Tata Yami, kaha enu mwangutambula Yami keshi ngochoko.” Kahajino, eli Lijina lya Tata lyatela kupwa Yesu. Echi chakwoloka. Eli Lijina lya Tata likiko Yesu, mwomwo Yesu ahanjikile ngocho. “Ngwambata Lijina lya Tata Yami. Ngwejile mu Lijina lya Tata Yami, kaha wosena mwahona kungutambula Yami.” Jino, Lijina Lyenyi apwile Yesu.

Kaha Gabriel amusanyikile Ikiye Yesu, vase tupolofweto vamusanyikile Ikiye kupwa Yesu, kaha Ikiye apwilenga vene Yesu. Shimbu kanda kusemuka Chenyi, numba vene tupolofweto vakujila Lijina Lyenyi *Emanuwele*, kupwa, “Kalunga hamwe na etu.” Kahajino, “Kalunga alisolwele mumujimba, mangana ambate shili ja kaye,” kaha, hakulinga ngocho, Ikiye ahanyine Lijina lya Yesu. Shikaho, Yesu napu Lijina.

Kaha Lijina valihakile muli Muthu; keshi liuka ko, keshi chikungulwilo kahako, keshi jishimbi jauthuko, oloze Muthu! Ikiye asakula chihela cha Lijina Lyenyi muli Yesu Kulishitu. Jino etu tunawane nge jino Ikiye ejile nakupu muchihela cha kulifukula cha Kalunga, kuze ove mulifukula Ikiye.

⁴⁵ Shimbu kanda Ikiye asemuke, Lijina Lyenyi vavavuluka kupwa Yesu. Chapwilenga chachilemu, valihanyine kuli naye Yenyi kufuma kuli Kangelo Ngavaye, nge Lijina Lyenyi navakamuvuluka kupwa “Yesu, Mwana Kalunga,” chuma muka Ikiye apwilenga.

⁴⁶ Kuze etu twapwilenga nacho, jino. Echi chili, ukawacho. Echi chili, mwomwo Ikiye ukawenyi, Kalunga asakula chihela chakulifukula. Chihela cha Kalunga, asakula. Kalunga asakwile kuliwana na muthu; keshi muliukako, keshi muchikungulwiloko, keshi mu jishimbi jauthu, oloze muli Kulishitu. Chize chikiko chihela kaha chize Kalunga mwakaya nakuliwana na muthu, kaha ikiye nahase kulifukula kuli Kalunga, chili muli Kulishitu. Chize chikiko kaha chihela. Numba kachi ove unapu Mesondisiti, Mbaputishiti, Katolika, Vakakulikanga, kalamwosena ove unatondo, kuli kaha chihela chimwe chize enu munahase kulifukula mwakwoloka Kalunga, uze ali muli Kulishitu.

Loma 8:1, ngwenyi, “Kakweshi jino kupaya kuli vakiko vase vali muli Kulishitu Yesu, nge kutambuka keshi mumusonyiko, oloze hanyima ya Shipilitu.” Uze ukiko Mujimbu wamwaza.

⁴⁷ Etu tunahase kulimbalaka ha jishimbi. Etu tunahase kulimbalaka ha jishimbi yakutunga kuli vathu. Enu munahase kuya ku liuka lya Mesondisiti, ove watela kupwa Mesondisiti;

Mbaputishiti, Mbaputishiti; Katolika, Katolika. Oloze nge ove vanakujimika muli Kulishitu, kaha nakwiza nakupwa membala wa Mujimba Wenyi, kakweshi vihandwako. Jimbango jamukachi vajipulile kaha mwayile vakukasunuka, mwomwo ove unapu Kulishitu Yesu. Kaha enu mweji kulifukulanga Kalunga mu Shipilitu kaha mu Muchano omwo ove muli Kulishitu Yesu. Eyi yinapu punga ya Kalunga kuli enu kulifukula Ikiye muli Kulishitu Yesu.

⁴⁸ Jino, kakweshi liuka lya chikungulwilo linahase kutonda echi, naumwe pimbi nahase kutonda chize. Nachipwa ngachilihi ove mutonda? Kulinga chuma kana nauhasa kupwa na shipilitu ya mukakole wakulishitu, kupwa nakufuma kuli Kulishitu; kufumisa kuli Ikiye. Ove kaweshi kuhasa kulinga ngachizeko. Kulishitu ikiye kaha chihela chize Kalunga eji kuliwananga na mukakulifukula.

⁴⁹ Vakiko ngwavo, lelo. Ngunapunga na vathu kungulweza yami. Muthu umwe angusanykile keshi hanyima chikumako, mu Beaumont, Texas. Ikiye ngwenyi, “Mukulwane. Branham, kachi lijina lyove kalyeshi mu mukanda wetuko, ove kaweshi kuhasa kuya Mwilu ko.” Munahase kushinganyeka hali chize? Kanda enu kufwelela chuma kana nge ngachize. Vakiko kushinganyeka ove kupwa na liuka limwe mokomoko ove unahase kuya Mwilu. Chize chakuhenga. Kufwelela nge, mukakole wakulishitu. Ngunahanjika ngana: Kachi ove wafwelela shipilitu kana, ove unajimbala. Echi chikiko chinjikizo ove unajimbalisa, mwomwo kumbata nakufumisa chuma Kalunga achilingile. Kalunga kanda lyehi ahake Lijina Lyenyi hakala liukako. Ikiye Kulihaka Mwana Nenyi, Kulishitu Yesu, omwo Ikiye na Mwana Nenyi kwiza nakupwa Umwe. Chize chikiko chihela chivene chakulifuwila. Kakweshi chikuku chikwavo valile, kakweshi lilolwa likwavoko.

Hali Kulishitu, Lilolwa lya kukola,
ngunemanaho;
Ha chihela chikwavo chili usekulula
wakushikumuka.

Vikungulwilo navikalifunya nakuholoka, mafuchi nawakaya nakuhita, oloze Ikiye mwakamananga lika. Kakweshi chihela chikwavo chize muthu nahase kuwana, kulifukula kuli Kalunga, nge Kalunga mwaya nakuhanjika kunyima kuli ikiye, kakweshi chihela oloze muli Kulishitu Yesu. Echi chikiko chihela kaha, chihela chimwe chize Kalunga asakwile kuhaka Lijina Lyenyi, kaha chihela kaha Ikiye kuliwana na muthu, kulifukula. Ove unajimbala kufwelela kalachuma.

⁵⁰ Talisenu, viwanyino vya seveni vya va Yuleya vavilamine muchihela chochimwe. Vakiko kanda lyehi valame chilika *hano* mwomwo ya Mesondisiti, kaha umwe *hano* ha Mbaputishiti, umwe *kuze* ha Pulishiteliyani, umwe kunyima *kuze* ha Katolika,

kaha umwe hali Vakakulikanga. Vilika vyosena vya seveni vatela kuchilamina chihela chimwe.

⁵¹ Echi chinapu chifwanyisa chamwaza hano. Etu tunayi nakuhita mu Visemunuino Liuka Iya Seveni, kuya nakusolola nge Kalunga kulama Visemunuino vya Liuka Seveni muli eli Lizu, ha chisemunino cha liuka kusokolola chihanda cha Lizu, kaha kala lwola vakiko kusolola kaha vakiko kumona Kumunyika.

Chochimwe nge omu vathu vaze chatete navakavajimika mu Lijina Iya Yesu. Vakiko valingile ika? Vakiko vatungile chikungulwilo kufuma muli chize, kaha chafwile hazevene. Jino Kalunga kutambuka kuya nakwingila muli mthuumwe. Ikiye mwaya nakutwama muli jimwe jishimbi javathu na vilinga vya vathu. Ikiye keshi nachumachimweko. Kakweshi chumachimwe vahengesele Kalunga. Lizu Iya Kalunga kupwa wajila, lyakuzeneka ujila. Kulishitu napu hakachi ka Kalunga chakulifukwila. Ikiye napu Kalunga.

⁵² Vilika vyosena vya seveni vatela kuvilingila muchihela chimwe. Enu mweshi kuhasa kulama chilika mukala chihela. Oloze aze a seveni, chihela...Vize vilika vya seveni vya mumwaka vyatela kuvilama muchihela chimwe. Shikangaho, Visemunino vya Mauka a Seveni vyatela kwiza nakufuma muchihela chimwe, nge apwile Kulishitu kuhanjika mu Visemunuino vya Mauka a Seveni. Echi chili vene chakwoloka. Muyachi, wa Visemunuino vya Mauka Seveni, oloze vakiko kupwa na vikungulwilo kuweluka wa echi.

⁵³ Jino echa tutalenu hali chikwavo muyachi shimbu etu tuli hano, chize chili, muyachi wa paseka, chifwanyisa cha Yesu. Etu tunatalisa hano mulambu wa manyinga, na kufwa. Mulambu wa manyinga chapwile chihela cha muvwimbimbi wa Kulishitu. Kutala chikungulwilo kuhita manyinga; unahase kushinganyeka liuka kuhita manyinga, chikungulwilo kuhita manyinga? Punduvene keshi ngachizeko. Echi chinatondeka manyinga kufuma ku kukuyoya. Kaha, chiyoyelo, hano Yesu kwiza mwomumwe na mukoko. Mwana mokoko apwilenga muyachi wa Kulishitu, kaha muvwimbimbi wa Kulishitu, mwomwo Ikiye apwilenga “Mwana mukoko wa Kalunga,” uze Yowano ajimbwile, “uze mwakafumisa shili ya kaye.” Etu kuwana Yesu kwiza mukusoloka, hano mu kapetulu 12 wa Kusoloka.

⁵⁴ Talisenu, chapwilenga kupwa kaha muchihela kufwa chinahase kuveta. Nge kufwa chapwile haamwihi nakusoloka mulifuchi, kwatela kupwa chihela chimwe; vosena kufuma mwishi yakufwa. Chihela chimwe! Jino, kachalumbunukile nge zuvo yimwe; oloze kuli chihela chimwe, muze mukiko mwana mukoko vamujihile. Kuze kwapwilenga manyinga a mwana mukoko, kangelo wakujihia kajihileko, mwomwo kuze kukiko

kuchihela Kalunga ahakile Lijina Lyenyi. Kaha mwana mukoko vamuvulukile kuze kukuputuka, mwana mukoko. Talisenu, chapwilenga chihela chimwe ikiye keshi kuhasa kujihako.

⁵⁵ Kaha jino chochimwe na lelo. Kuli kaha chihela chimwe chize kufwa cha kushipilitu kacheshi kuhasa kuvetako, lize linapu Lizu. Kufwa kacheshi kuhasa kuveta Lizu ko, mwomwo Linapu Lizu lya Kalunga lyakuyoya.

Oloze nge ove muhakamo jishimbi jauthu kuli Kiko, eli Lizu nalifuma Muchikiko. Nachiya nakuhandununa nge meya kufuma ku maji. Enu kamweshi kuhasa kuvifutulako hamwe. Shikangaho, wamono, omwo lushimbi nalwiza nakwingila muchikungulwilo, vakiko vosena veji kuyanga nakukavangiza lushimbi lwamuthu; kaha eli Lizu lyeji kufwanga, kaha kuya lika na muthu umwe nawa kuzundula Echi chikuma. Kupwa na ngolo, nge Nachiya nakufuma mukukuvulukila kwoloka, kujilikiwa, kujimika na Shipilitu Wajila, kaha kutwalilaho nakwingila Mulinona! Ove uli nakumona jila ya Kalunga eyi nendemo? Kuneha Lijina Lyenyi, lwola lwosena, hanovene mujila yoyimwe, mwomwo Ikiye napu Lizu.

Talisenu, Echi kacheshi kuhasa kufwako. Eli Lizu lya Kuyoya kalyeshi kuhasa kufwako.

⁵⁶ Talisenu omu chakupuka, jino. Uze kangelo wakufwa kavamukanyishile kuveta vathu vakakutanga va mu Ejipitu. Kavamukanyishile kuveta halifuchi lyakujila, ahamazuvo amanene, a fwalo. Mokokoko, vaze tupilishitu vamuze mulifuchi, uze kangelo kavamukanyishileko. Chavetele kala zuvo, kala chihela, kalamuthu, oloze kachahashile kuveta uze mwana mukoko.

Kufwa kacheshi kuhasa kuveta echi chihela Kalunga ali, echi chikiko chili muli mwana Mukoko.

⁵⁷ Talisenu, keshi numba muzeko...ikiye vamukanyishile kuveta Isalele mokomoko va tupilishitu java Hepelewu, kaha, mokomoko kala vikungulwilo vyacho. Vosena vatela kupwa muze asakula Kalunga, chihela chakuwahisa kuli Kalunga, mokomoko kufwa kuveta.

⁵⁸ Liuka, kala kwosena okwo muli, kulihi wapandama, kacheji kungulingisa yami kupwa nachihandwako. Oloze, kuli chuma chimwe mwatela kutachikiza, ove watela kupwa muka Kulishitu mokomoko ove wapwa wakufwa. Ove kaweshi kuhasa kuyoya kusali ya Ikiye ko. Liuka lyove vanahase kupwa wakwoloka, nge kutunga; kulikata chove chinahase kupwa chakwoloka, nge muthu. Oloze nge ove mukana Mujimba, Manyinga, a Lizu lya Yesu Kulishitu, ove unapu wakufwa muminyutu uze ovomuchilinga. Chinapu chihela chakusakula kuli Kalunga chakulifukwila. Kuze kukiko kuli Lijina Lyenyi, mukiko vene. Kuze kukiko Ikiye sakwilenga kuhaka Lijina Lyenyi; keshi muliuka ko, oloze muli Mwana, Yesu Kulishitu.

⁵⁹ Talisenu, kukiungiwa chatwama kaha muchihela cha kusakula Chenyi, mu mwana Mukoko Wenyi, kaha mu lijina lya mwana mukoko.

⁶⁰ Talisenu, apwilenga “chilunga” cha mwana mukoko, kupwa nge, keshi wachipwevoko. Keshi liuka ko, ikiye; oloze Lijina Lyenyi, keshi lijina lyenyiko. Kuze Ikiye apwilenga nakuli wana na vathu kalyapwilenga mulijina lyenyiko, oloze muli Lijina Lyenyi, Ikiye, mwana Mukoko!

⁶¹ Jino etu kuhanjika, “Eli liuka, liuka lyalinene lyangolo, ikiye alingile *echi* kaha ikiye alingile *chize*. Ikiye apezalishile uze nyamanganda. Etu twambachile chize kuvula chatu. Etu tunapu vamembala vavanene. Etu tunapu liuka lyalinene. Ikiye napu chuma chachinene.”

Oloze Kalunga kahanjikile chuma chimweko hali ikiyeko. Ikiye ambile ngwenyi, “Ikiye.” “Ikiye,” chikiko chihela cha mwana Mukoko, keshi liuka ko. Keshi lijina lyenyiko, oloze Lijina Lyenyi. Ikiye kahakile lijina lyenyi hakalako. Ikiye ahakile Lijina Lyenyi muli “Ikiye”!

Shikangaho, “Etu vosena twatela kulinga, chipwe mu lizu chipwe vilinga, etu twatela kulinga evi vyosena mu Lijina lya Yesu Kulishitu.” Kachi etu natulomba, etu twatela kulomba mu Lijina lya Yesu. Kachi etu natulomba kutwamanyinako, etu twatela kupwa nakulomba mu Lijina lya Yesu. Kachi etu natutambuka, etu tweji kutambuka mu Lijina lya Yesu. Kachi etu natuhanjika, etu tweji kuhanjika mu Lijina lya Yesu. Kachi etu natujimika, etu twatela kujimika mu Lijina lya Yesu Kulishitu. Mwomwo, “Vyosena etu tweji kulinganga mu lizu mokomoko muvilinga, vilingenu mu Lijina lya Yesu Kulishitu.”

⁶² Mukweze umwe ahanjikile kuli yami lwola lumwe, kushimutwila ngachize, ikiye ngwenyi, “Ndumbu walunga Branham, pwevo lyami, Kangweshi. . .” Ikiye ambile ngwenyi, “Ikiye, lijina lyenyi *Munganji mukananga*.” Ikiye mukakuzata, pamo kutwama hano jino. Kaha ikiye ngwenyi, “Pwevo lyami,” ngwenyi, “ikiye akwechi lijina lyami.” Nanguya nakuhanjika *Jones*, mwomwo kapwilenga Jones ko. Ikiye ambile ngwenyi, “Jino, ikiye katela kukatuka kala chimene, kumbata kakombo na kuhanjika, ‘Jino Nanguya nakukomba mu lijina lya Jones, kaha Ngulinakukosa malonga mu lijina lya Jones, kaha Nanguhaka chikamba mu lijina lya Jones.’” Ikiye ambile ngwenyi, “Kangweshi nakushinganyeka nge ove watela kusanyika kala lijina.”

Ngwambile ngwami, “Ngwafwelela enu muli nakulinga.” Echi chakwoloka.

Kaha ikiye ngwenyi, “Chamwaza, mwomwoika? Ikiye katela kuhanjika echiko. Vyuma vyosena ikiye mwalinga shina mu lijina lya Jones, kukuputuka.”

63 Ngwambile ngwami, “Oloze ove kawatambuka mujila na kumumbata ikiye, kaha ngwenyi, ‘Twaya kuno, Jones.’ Ikiye ejile, chatete, na chilika, chilika chakulimbata, ‘Jones.’ Kachi ikiye kalingileko, ove uli nakuyoyela muujila. Kaha kachi ove vakujimika mukala jila nge keshi mu Lijina lya Yesu Kulishitu, chinapu lujimiko lwa ujila, echi kavachiwanyine mu Mbimbiliya ko.”

Kahajino, “Chuma enu namulinga mu lizu na muvilinga, vilingenu vyosena mu Lijina lya Yesu.” Hanyima yachize, chuma muka muya nakulinga! Oloze chatete, enu muneza mu Lijina Lyenyi.

64 Kuli mapwevo vamwaza muli yino zuvo ufukuuno, vamwaza, mapwevo vakalemesa; oloze kuli umwe kaha Pwevo lya William Branham. Ikiye mwaya kwimbo na yami. Ikiye umwe kaha napu pwevo lyami.

65 Kuli vathu vamwaza muno mukaye, mauka amwaza; oloze kuli umwe kaha Pwevo lya Yesu Kulishitu, kaha Ikiye ali nakwijila. Muli ikiye mukiko mwatama Lijina Lyenyi. Kuze kukiko kulifukula Chenyi, muli Ikiye kaha Ikiye ukawenyi. Ukiko muchano. Mamalelo, eyo, mwane. Etu tunawane nge ukiko muchano.

66 Jino, ou ukiko mulonga, etu, “Vyosena etu tweji kuzatanga mu lizu mokomoko muvilinga, etu tweji kulinga echi mu Lijina lya Yesu Kulishitu.”

“Kakweshi lijina likwavo vanahane mwishi ya Mwilu kupwa ulwilo, oloze Lijina lya Yesu Kulishitu.” Vilinga, kapetulu 2, nahanjika ngachize, “Echa vachitachikize muli enu...” “Kakweshi lijina likwavo vanahane mwishi ya Mwilu eli muthu vatela kumulwila, kuvangila mu Lijina lya Yesu Kulishitu.” Amena. Ngwafwelela enu munachivwushisa. Eli Lijina lya Yesu Kulishitu, kala...

Melu Ahelu vavavuluka muli Ikiye, “Jitanga josena ja Mwilu vajivuluka muli Yesu,” eyi Mbimbiliya yahanjika, “kaha vosena jitanga jahamavu vajivuluka muli Yesu.” Shikaho linapu Lijina lya kusakula kuli Kalunga kaha kuze Ikiye Alihaka. Echi chikiko chihela Chenyi chakulifukula, chili muli Yesu Kulishitu. Jino, etu tunatachikiza nge chipwenga ngocho, kakweshi chihela chikwavo chakulifukwila oloze muli Ikiye.

67 “Kakweshi lijina likwavo mwishi ya Mwilu vanahane muli muthu, lize vatela kupwa valilwile nalyoko.” Lijina Lyenyi lya Kalunga lya kusokola. Kalunga atwama na lijina vavuvuluka kupwa Yehova yile, Yehova lafwa. *Yehova yile*, “ou Mwata ikiye mukakukonekela jishili jove josena.” *Yehova lafwa*, “ou Mwata ikiye mukakuka misongo yosena.” Ikiye apwile na vifulo vyavivulu. Oloze Ikiye akwechi Lijina limwe lya kusokola, yakundama kuuthu, kaha likiko Lijina lya “Yesu.” Likiko Lijina

Lyenyi, Ikiye asakulaho kuhakaho. Halihi Ikiye alihakile Halihi? Ikiye Alihakile muli Kulishitu.

⁶⁸ Majina osena amauka akwavo, jishimbi jauthu, vifulo, anapu kufwa kuwafwelela. Enu muli nakufwelela eli liuka lya Mesondisiti kumitwala Mwilu, enu munajimbala. Kachi enu munafwelela va Pendekosita, liuka lya Pendekosita kumitwala Mwilu enu munajimbala. Kaha va Mbaputishiti, va Luteleni, Pulishitelinanyi, Katolika, kala liuka; enu muli nakufwelela majina avo, mokomoko chifulo, mokomoko jishimbi javo jauthu, enu munajimbala.

Mwomwo, enu kamweshi kuhasa kulifukula kuvanga chatete namwiza muchihela cha kulifukula. Amena. Chize chikiko chihela kaha Kalunga eji kuliwanyinga na muka kulifukula, chili chihela Ikiye asakula kuhaka Lijina Lyenyi. Veka nawa, enu mwafwelela muli vakiko, enu namufwa. Ikiye nawa . . .

⁶⁹ Muvwimbimbi ukwavo wa Yesu hano, Ngunasoneka, echi Chisoneka. Nawa, Ikiye—Ikiye vamufwanyisa hano, “Ikiye atela kupwa wakuzeneka lipenga.” Chize chihela Ikiye ahaka Lijina Lyenyi, uze mwana mukoko wakuzeneka mulonga.

Jino, chikungulwilo mokomoko zachiso muka enu munahase kuhakao echi; liuka muka, Katolika, Vakakulikanga, Vayuleya, kala vosena ovo? Zachiso muka, chikungulwilo, munahase kuhakako, “chakuzeneka mulonga hali ech’”? Vyosena vavikana vyosena, kaha vanavikane!

Oloze kuli chihela! Haleluya! Chize chihela chili muli Yesu Kulishitu. Kakweshi lipenga muli Ikiye ko. Kamweshi mulonga muli Ikiye ko.

Enu kamweshi kuhasa kujika echiko. Vaze vathu vosena kweseka kulinga ngachize, kuhanjika kuliuka lyavo chinapu chakuzeneka mulonga kaha chosena *echi*. Vinapu majilo, vakakuhokola Lizu, vakakuzanga, chimbwa kufwa, Lauchiseya, jishimbi jauthu, oloze kaweshi Muchanoko. Oloze numba Pilatu lyavene, mukakole Wenyi, ambile ngwenyi, “Kangweshi kuwanamulonga muli Ikiye ko.” Mukakole wenyi Ivene kuhanjika nge keshi nanamulonga hali Ikiye ko. Ove kaweshi kuhasa kuhaka shili hali Ikiye ko.

⁷⁰ Ikiye ahanjikile kuli tupilishitu vamumakumbi Eyi, “Hiya mukachi kenu Mwanguhana mulonga wa shili? Hiya nahase Kungulweka nge Ngumuka shili?”

Ngulweke yami liuka limwe lize linahase kuhanjika nge vakiko valingile chuma chakuhenga. Kuhanjika hatoma, kakweshi numba chuma chimwe muli vakiko, chauchiko, oloze chuma chajihile nakulinga vyuma vyosena evi kwauchi ha kalendako, chauchiko. Kahajino valisanyika vavene . . . Shikaho kacheshi kuliwana cha Kalunga ko chili chihela chakulifukula, mukala jishimbi jauthu mokomoko chikungulwilo.

⁷¹ Masepa jami, Kangwazangile kumikolesako, oloze Ngunapu wakwimanyinako ou Mujimbu, kaha, ou Mujimbu unapu, “Lovokamo ufume muli awa majilo!” Kaha kachi Ngunalombo enu kwiza nakulovoka, kulihi Nangumitwala enu? Chinahase Ngumitwale ku Mbalaka ya Branham? Echi chinapu mulonga nge kala vosena nawa.

Oloze kuli chihela chimwe Nanguhasa kukumbata ove, kuze enu muli vakukingiwa na kuvakinga kufwa, echi chili muli Yesu Kulishitu, chihela cha Kalunga kulifukula. Echi chikiko chihela Nguli nakumijimbwila enu ufuku uno, kuze Kalunga ahaka Lijina Lyenyi. Kuze Ikiye ashikile Ikiye mwaya nakuliwana nakala muthu uze mweza muze, Ikiye mwaya nakulifukula na ikiye na kulya nenyi, chize chili muli Kulishitu; keshi mukala liukako, numba mbalaka.

Oloze, muli Kulishitu, Ikiye apwa Mbalaka ya Kalunga. Ikiye chihela chize Kalunga ejilemo, Lyavene, kaha atwamine muli Ikiye. “Ou ikiye Mwanami walunga ngwazanga, muli Ikiye Ngwevwila kuwaha kutwamamo.” Kuze kukiko kuli mbalaka ya Kalunga, kuneha Lijina Lyenyi na kuhaka Echi hali, Yesu Kulishitu. Shikaho, Lijina Lyenyi vahakile muli Muthu, Mwa Nyeni, Yesu Kulishitu, muli Ikiye mukiko ali kupilikila muli Yavene, kaha muli ize Mbalaka.

Kuze, muchifwanyisa, cha Yelusalema yamwaka, chilika chamwaka, ize tembele ya mwaka, yapwile chifwanyisa; omwo wishi wengilemo, lize likumbi chize chikasha chengililamo, cha lushiko, kaha chatwamine, kaha Lizu lya Kalunga lyapwile kuweluka.

Shikaho mukiko chapwile na Lizu lya Kalunga kwivwa, kwiza nakwingila mu Mbalaka, Yesu Kulishitu; uze, Chamwaka (chakumujimba) chapwilenga chifwanyisa na muvwimbimbi wa Uhya. Kaha omwo Ikiye ejile muli Kulishitu, Ikiye ngwenyi, “Ou ikiye Mwa Nami walunga Ngwazanga, muli Ikiye Ngwevwila kuwaha kutwamamo. Kaha Ngunasakula chihela kuze Nanguya nakuhaka Lijina Lyami, kaha kuze Nanguya nakuliwana na muthu, kaha kuze Nanguya nakulifukulako.” Kalunga asakwile chihela; keshi muchikungulwiloko, oloze muli Yesu Kulishitu. Eyo, mwane.

⁷² Ikiye atela kupwa “chakuzeneka katenga,” nge omu Ngwambile ngwami. Kakweshi chikungulwilo chinahase kuvuluka chize. Vakiko veji kulinganga; vakiko vapwa mukakole wa kulishitu.

⁷³ Jino etu tunawane hano, talisenu muvwimbimbi Wenyi cheka. Ou—uze mukoko atela kupwa wakumine. Jino, echi wachiwana mu Kulovoka 12, kachi enu muli nakusoneka, Kulovoka 12:3 nakutwala ha 6. Uze mwana mukoko vatela kumulama makumbi awana, vamweseke, vamone kachi ali wakatela kupwa mulambu. Atela kupwamo vene, kumukekesa

cheka na cheka, ha makumbi awana, kumutala kachi ali na kapenga hali ikiye, talenu kachi muli kala misongo muli ikiye, talenu kachi muli chuma chakuhenga na mwana mukoko. Vatela kupwa wakatwalilaho mumakumbi awana kumulama.

⁷⁴ Jino talisenu. Enu vamwe munahase kupwa navishinganyeka vize vyapwilenga chindende, kumujiha halikumbi lya fwoteni. Oloze, enu anukenu, vakiko vambachile uze mwana mukoko ha likumbi lya teni muli uze kakweji, kaha kumujiha ha likumbi lya fwoteni lya uze kakweji, talenu, uze valaminenge mumakumbi wana.

⁷⁵ Jino, Yesu, Lijina lya Kalunga, mwana Mukoko, ayile mu Yelusalema kaha kanda lyehi ezenga cheka palanga hanyima ya kufwa Chenyi, kufunda, na kusanguka. Ikiye apwilenga wakulama mwishi ya kutoloka ha makumbi awana na ufuku namusana. Omu akupuka uze mwana Mukoko kupwa chifwanyisa kana, kumulama makumbi awana. Haze hakiko Pilatu ambile ngwenyi, “Ngunahono kuwana mulonga muli Ikiye.”

⁷⁶ Muvwimbimbi ukwavo wa Ikiye, nachifuwa vahashile kuhokola muli Ikiye chauchi, hize chapwile vene chakwoloka, omwo vakiko kavahashile kuchilingako. Mu kumujiha uze mulambu, vakiko kavahashile kuhokola chifuwa. Kachi chapwile ngocho, vaukanyinenga. Kaha vakiko tele vanakoko lyehi hamala hanyima vahokole mahinji a Kulishitu, omwo vakiko vahanjikile nge, “Ikiye nafu lyehi.” Vakiko vatuvile kusali Yenya na kuwana Manyinga na meya.

⁷⁷ Talisenu cheka chuma chikwavo hano. Kangweshi kuchitumbukako, mwomwo Ikiye apwile nakwimanyinako uze wana, unga wa wana.

Ngunanuka lwola lumwe vakiko vapwilenga na shikola, mu Mbimbiliya, vavuluka kupwa shikola ya tupolofweto, kaha yapwilenga vene shikola. Kaha etu tunawane nge Elija ayile kuze ku shikola likumbi limwe, kaha vakiko vambile ngwavo, “Etu...” Vakiko vumulombebele ayenga, ambile ngwenyi, “Omwo enu namukapwa hano, vyuma vili hatoma to.” Shikaho vatondele vayenga.

Kaha vakiko vayile nakumutondela ikiye kukulya chaufuku. Kaha lizavu lya tupilishitu vayileko, mokomoko tupolofweto, kumba makunde amwe, vamulingile kulya. Kaha omwo vakiko valingle, vakiko vakungulwile vyavinene; kaha omwo vakiko vakindulukile, yapwile na jisuwa jamuchipapa, jize japwilenga ulembe, kaha vakiko vajimbilemo muze mundeho. Kaha jize jindeho kuputuka kumpwata, kaha vakiko, muthumwe, ambile ngwenyi, “Alas, muli kufwa mundeho. Jino etu kakweshi kuhasa numba kulyako.”

Kaha Elija ngwenyi, “Ngunehele yami livoko lya unga.” Kaha ikiye ambachile unga na kumbilamo muze mundeho, kaha ambile ngwenyi, “Lyenu. Eyi ndeho yinahinduka.”

⁷⁸ Uze unga wa mulambu wapwilenga Kulishitu. Kala mukinngo atela kuhaka mwomumwe, kaha kala chihanda chachindende cha unga chatela kupwa hamavu oamwe, hali uze wana waunga. Kusolola nge Ikiye apwa Mukakuka. Ikiye apwile wakushisa, kaha kumbata kufwa, na kuhaka Kuyoya; ha jishimbi jivali. Haleluya! Kuze kuli kufwa, chihela chimwe; omwo Kulishitu mwakeza nakwingila, Kuyoya nachiza engilemo. Ikiye apwa youmwe zau, lelo, na hayamyaka. Kaha kuze kwapwilenga kufwa, kwejile Kuyoya, mwomwo Kulishitu vamunehelemo, uze unga wa mulambu.

⁷⁹ Kulinangula kana waunene uze vyumakana naviya nakupwa kachi etu natumbata lwola kuvahokola vakiko! Jino talisenu, keshi lizu limweko wa mivwimbimbi kuhona. Keshi lizu limweko lyahonene, lya uze mivwimbimbi. Vyuma vyosena kufwanyisa mwakukupuka.

Ikiye napu muchihela cha Kalunga chakusakula kulifukula, kaha Lijina lya Kalunga vanahane kuli Ikiye. Ikiye napu chihela cha Kalunga chakulifukula, kaha Lijina lya Kalunga vanachihande kuli Ikiye. Ikiye napu Lizu lya Kalunga, kaha Ikiye napu Lijina lya Kalunga. Ikiye napu Lizu lya Kalunga kaha nawa Lijina lya Kalunga. “Ikiye apwilenga Lizu kupwa musonyi.” Ikiye apwilenga lize Lizu lya Kalunga, mwana Mukoko wa Kalunga, Lijina lya Kalunga, kaha apwile Kalunga. Echi chikiko Ikiye apwile, wakusakula kaha chihela kaha chakulifukula cha Kalunga.

⁸⁰ Kaha Kalunga mwakana kala chihela kusali ya Yesu Kulishitu; enu kamweshi kuhasa kulifukula kuli Ikiye kwosenako. Ikiye ambile ngwenyi, “Kulifukula chenu Yami chamokomoko, kutangisa Kunangula jishimbi ja vathu.” Lelo etu tuli na shimbi jauthu, jishimbi jakutunga kuli vathu, na vyuma vyosena, jize jeji kutangisa *echi* ikiko jila na *chize* ikiko jila.

Kaha Yesu ambile ngwenyi, “Yami Jila, Muchano, na Kuyoya, kaha naumwe mweza kuli Kalunga kuvangila hali Yami.” Mujila ikwavo, “Yami Chikolo kuli mikoko. Wosena mwazeneka napu mwiji.” Ikiye napu kaha wakupandaminamo. Ikiye napu Chikolo. Ikiye napu Jila, Muchano kaha Kuyoya, vyosena vili kuze; chikolo kaha, chihela kaha, kulifukula kaha, Lijina kaha.

Vyumavimwe kukashiwa kuli Yesu Kulishitu. Tesitamende Yamwaka Yosena kukashiwa kuli Ikiye. Eyi Tesitamende Yayihya kukashiwa kuli Ikiye. Kaha eli Liuka lelo lili lya kukashila kuli Ikiye, ha Lizu lya lushimbi Lwenyi. Kakweshi chihela chikwavo, mokomoko Lijina likwavo, chipwe kala

kwosena, kuze Kalunga ashikile kuliwana na muthu; shina kaha muli Yesu Kulishitu, chihela Chenyi chakusakula chakulifukula.

⁸¹ Talisenu, Kalunga ashikile kuliwana na kulifukula Chenyi muli echi chihela chimwe, kaha chize chinapu kusakula Chenyi Lyavene; keshi kusakula chetuko, keshi kushinganyeka chetuko; oloze kushinganyeka Chenyi, kusakula Chenyi. Kaha nachiya nakupwa chihela kuze Ikiye ahaka Lijina Lyenyi, kuze Ikiye asakula. Shikaho etu tunawane nge etu tunawane kuze Lijina Lyenyi mukiko lyapwilenga, chumamuka Ikiye asakwile, ha kusakula Chenyi Ivene.

⁸² Jino hakupwa etu tunawane echi chihela Ikiye ahaka Lijina Lyenyi, echi chili, muli Kulishitu Yesu, kaha kakweshi numba chihela chikwavo, mokomoko lijina likwavo, ove unasuluka hali chize? Hanjika, “Amena.” [Chikungulwilo ngwacho, “Amena.”—Muka.] Jino, chuma cha echi chili, kachi etu tunawane kuze kuchihela chili... Chihela chakulifukula numba chakwitavila, muli Kulishitu.

Ove unahono kwalumuka nakupihilila, ove unahase kulinga chize, oloze enu kamweshi nakulifukula. Ove kulomba kukonekela. Petulu ambile ngwenyi. . .

Ha Likumbi lya Pendekosita, omwo vakiko vamwene vosena kuhanjika na malimi, kaha vinjikizo vyavinene na vihayamisa kusoloka, vakiko vapatukile kuseha, eli liuka kulinga, kaha ambile ngwenyi, “Ava malunga vali vakupenda vinyo. Vakiko valinakulinga nge vathu vakupenda. Va...” Maliya apwile sanda, vosena vakiko, vapwilenga hamwe, vakiko kupwa handulendi na twende. Kaha vakiko vapwilenga nakutalyangila nge vathu vakupenda, na kuhanjika mumalimi, kaha kutwalilaho. Vakiko ngwavo, “Ava malunga vali vakuzala na vinyo yayihya.”

⁸³ Oloze Petulu, kwimana, ambile ngwenyi, “Malunga na vandumbwami, ava vathu kavanwine vinyo yayihyako, mwomwo luno lwola lunapu kaha lwola lwamuchitatu. Oloze echi chikiko chize vahanjikile kuli kapolofweto Yowele, ‘Kaha nachikasoloka kumakumbi akukuminyina, mwanambe Kalunga, Nanguya nakuhingununa Shipilitu Yami hali vakwechi mijimba vosena; vana venu vamaalunga na vamaapwevo navakapolofweta; hali yangamba Jami na vandungo Nangukaya nakuhingununa Shipilitu Yami. Nanguya nakusolwesa vinjikizo mumelu helu, kaha nahamavu; kakahya, panda ja mulangi ya kakahya, kukakumuka cha wishi. Nachikasoloka, shimbu kanda Likumbi lya linene lyakwivwisa woma lya Mwata lizenga, nge wosena mwakesanyika ha Lijina lya Mwata navakumulwila.”

⁸⁴ Omwo vakiko vevwile echi, vakiko vevwile vangu mumichima yavo, kaha vambile ngwavo, “Malunga va ndumbwetu, chumamuka etu twatela kulinga?”

⁸⁵ Petulu ngwenyi, “Pihililenu nakwalumuka, muthu himuthu, kaha vamijimike mu Lijina lya Yesu Kulishitu chakuneha kujimbangana jishili jenu, kaha enu namutambula wana wa Shipilitu Wajila. Mwomwo lushiko luli lwakulutwe lwa visemunuino.” Jino etu tunawane chize.

⁸⁶ Jino etu twatondo kuwana omu etu natwingila *muli* Ikiye. Nomu etu tweji kwingilanga muchihela chakulifukula? Kolinde Watete 12 nakumisa vyosena, ha, “Hali Shipilitu yimwe!” Keshi hali liuka limwe, keshi ha lushimbi lumwe lwaauthuko, keshi hali pashita umwe, keshi hali mbishopu umwe, keshi hali kapilishitu umwe. Oloze, “Ha Shipilitu Wajila etu vosena vanatujimika mu Mujimba umwe,” ou napu Mujimba wa Yesu Kulishitu, kaha kwononoka kuwana umwe uze uli mu Mujimba. Eyo, mwane! Keshi kulinunga, chipwe kutanga jishimbi jauthu, keshi kutumbu helu, kulyecha hamavu, kulimeneka mumavoko, mokomoko chumachimwe. Oloze, ha Kusemuka etu vanatujimika mu Mujimba wa Yesu Kulishitu! Amena. “Ha Shipilitu Wajila etu vosena vanatujimika mu Mujimba umwe.”

⁸⁷ Kaha Mujimba chumauka? “Mukuputuka kwapwilenga Lizu, kaha Lizu lyapwilenga na Kalunga, kaha Lizu lyapwilenga Kalunga. Kaha lize Lizu lyalitengelekele kupwa wamusonyi wa hamavu nakutwama muli yetu.” Natupwa ngachilihi mumujimba nakukana Lizu Limwe lya Echi, mokomoko Echi kupwa kweka chize Echi kacheshi numba Mumujimba? Natukaya ngachilihi nakuchilinga? Kalunga chihela chakusakula!

⁸⁸ Talizenu, kaha omwo enu vene vakujimika muli Ikiye, chinjikizo chamuchano chize enu mwafwelela Ikiye, kupwa Lizu.

Nauya ngachilihi nakupwa chihanda Chenyi kaha kumukana Ikiye? Nangukana Ngachilihi livoko lyami kupwa livoko lyami? Kachi kuze... Kachi Nangulinga, kuze kulichumachimwe wakuhenga muwongo na yami. Kaha nachipwa ngachilihi Yami? Kachi kuli chumachimwe chakuluwangana muwongo hamwe naikiye, kukana nge kalyeshi livoko lyamiko, kukana echi chipundo chamiko, kuli chumachimwe mushipilitu chakuhenga na mukakufwelela na kukana kala Lizu lize Kalunga uze ahanjikile na kumushika. Kuze kuli chumachimwe mushipilitu chakuhenga na ovo vavuluka kupwa vakukufwelela.

⁸⁹ Enu kamweshi kukana mukanda umwe wa Ikiye ko, mwomwo enu muneza nakupwa chihanda chochimwe. Ove unapu chihanda cha Ikiye mwomwo ove vakujimikile muli Ikiye; ha, Shipilitu Wajila nanehe enu mu Mujimba wa Yesu Kulishitu. Chuma muka chamwaza!

⁹⁰ Kalunga apwile na chihela chimwe Ikiye aliwanyine na—Ikiye aliwanyine na Apalahama, kaha kuze Apalahama kulifukula. Vosena kuhichila mu Tesitamende!

Kaha lushiko Lwenyi lwa Lizu navaya nakulilumbununa muli enu, hali Ikiye. Ove watambwile chize? Eli Lizu lize Ikiye ashikile nakuzalisa mu likumbi eli muli nakuyoyela: ove muya mukanda wa Kalunga, tangenu kuli vathu vosena. Keshi ove unalivuluka, oloze chuma Kalunga alingile nakuhita, kuya nakuhanjikila helu kuhambakana vyuma vyosena valivulukile. Kalunga ngwenyi, “Evi vinjikizo navikavakavangizanga vaze vakakufwelela.” Chize chikiko kuhanjika kuhichila muli ove.

⁹¹ Ikiye ahanjikile hali chino chisemunuino, nachiya nakupwa jino. Vakakufwelela vamuno chisemunuino chatela kufwelela Echi, chuma muka Ikiye ashikile lelo. Kupwa chochimwe vakiko vatela kwiza mu wato, kupwa wakulwiwa; kuya ku Ejipitu nakupwa wakulwila; vakiko nakwiza muli Kulishitu, kupwa wakulwiliwa jino, mu Mujimbu lya Lizu, chize Ikiye napu youmwe zau, lelo, na hayamyaka.

⁹² Namuya nakwingilamo ngachilihi muli Echi? Ha lujimiko! Lujimiko lwaka, meya? Hali Shipilitu Wajila! “Shipilitu Umwe, etu vosena vanatujimika mu Mujimba umwe.”

⁹³ Kaha lushiko Lwenyi lwa Lizu, Ikiye keshi. . . Ove kaweshi kuhasa kulumbununa Echiko. Ikiye mwakaya nakulumbununa Echi kuhichila muli enu; chuma muka ove uli nakulinga, chuma muka Ikiye ashikile kulinga. Eli Liuka lyeji kumukavangizanga Ikiye nalikaya nakuwa ngocho nge Ikiye palanga vathu navakaya nakutachikiza.

Tala Petulu na Yowano omwo vakiko vapwilenga nachihula ha kuka muthu ha chikolo vavuluka Kuwaha. Vakiko vambile ngwavo, “Vakiko vashinganyekele,” vaze tupilishitu valingile, “nge cvakiko vosena vapwile vakuhona kutachikiza kaha malunga vakuhona kulinangula,” oloze vakiko veji kumbatanga nge vakiko vapwenga na Yesu. Mwomwo, (ika?) vakiko vapwile nakulinga vyuma vize Ikiye alingile.

⁹⁴ Ikiye atela kupwa kumulimo wa Tata. Kaha lelo chatela kupwa chochimwe.

⁹⁵ Jino, anuka, Ikiye youmwe zau, lelo, na hayamyaka; mwomwo Kalunga eji kukuwanyinanga muli Ikiye, chize chihela kaha kuze; mwomwo mukiko Ikiye nasakula kuhaka Lijina Lyenyi, muli Yesu. “Yesu” ikiye napu Lijina lya Kalunga. Anuka, Tata, Mwana, Shipilitu Wajila, yinapu mitwe ya Lijina “Yesu Kulishitu.”

⁹⁶ Omwo Mateu ngwenyi, “Yenunga shikangaho, mukanangule mafuchi osena, kuvajimika vakiko mu Lijina lya Tata, ya Mwana, na lya Shipilitu Wajila.”

Vanachilumbununa mwakuhenga lelo, kaha kuhanjika, “Mu lijina lya Tata, lijina lya Mwana, lijina lya Shipilitu Wajila.” Echi kacheshi numba kusoneka ko. Eli lili, “Mu Lijina,” limwe kaha, “lya Tata, Mwana, Shipilitu Wajila.” *Tata* keshi lijina ko, *Mwana* keshi lijina ko, *Shipilitu Wajila* keshi lijina ko; yinapu mitwe.

Makumbi likumi hanyima yachize, Petulu emanyine na kuhanjika ngwenyi, “Pihililenu nakwalumuka, muthu himuthu, kaha vamijimike mu Lijina lya Yesu Kulishitu.” Jino kutala ikiye alingile muze Ikiye amulwekele ikiye kulinga? Ikiye alingile muze Ikiye amulwekele kulinga. Eli Lijina lya Tata, Mwana, na Shipilitu Wajila “ikiye Mwata Yesu Kulishitu.” Kala muthu mu Tesitamende Yayihya vava jimikile mu Lijina lya Mwata Yesu Kulishitu.

⁹⁷ Keshi muthu umwe mu Mbimbiliya vajimikile lyehi mu mitwe ya Tata, Mwana, Shipilitu Wajila. Nge kachejile mukusolokako palanga jishimbi ja ku Nicaea chapwilenga nakuhaka ha Nicaea, Loma. Echi chapwile chiyulo cha liuka lya Katolika, vawanyine, kwinjikiza chuma chochimwe, muze mu catechism. Ngukwechi echi, echi chakwoloka, *Facts of Our Faith*, kaha navyangocho, echi chinapu vene lushimbi lwa Katolika ya mu Loma. Vakiko navakakulweza ove nge kawveshi mu Mbimbiliya ko; oloze vakiko kuhanjika vakiko kupwa na ngolo ja kwalumuna awa Mazu, kachi vakiko vanatondo, mwomwo ya popu. Ngunahandununa.

Yesu Kulishitu apwa youmwe zau, lelo, na hayamyaka. “Kaha wosena mwakambata Lizu limwe kulifumisa mu Mbimbiliya,” ngwenyi Yesu, “mokomoko kuhaka lizu limwe muli Echi, chihanda chenyi navakachifumisa mu Mukanda wa Kuyoya.” Lizu Limwe; keshi mukana wajisona, mokomoko chihanda chajisona, oloze ali Lizu! “Wosena owo mwakambata Lizu limwe. . .”

⁹⁸ Mu kuputuka, Kalunga ajilikile vathu Jenyi na Lizu Lyenyi. Lizu Limwe, kulizeneka kulifwelela, lyanehele kufwa, mitwe yosena, usho awosena. Eva, kahokwele mukana wajisonako; ikiye ahokwele Lizu. Omwo Yesu ejile hakachi ka Mukanda. . . Uze yapwile Mukanda watete.

Omwo Yesu ejile mukachi ka Mukanda, chuma muka Ikiye ahanjikile? “Echi vachisoneka nge muthu keshi kukayoyela ha mbolo kahako, oloze hali Lizu lyosena lize nalilovoka mukanwa ka Kalunga.”

Mu Mukanda wamakumishilo, Kusoloka kapetulu 22, vasi 18, chihanda chamakumishilo cha Mbimbiliya, Yesu kuhanjika kuli Lyavene, ambile ngwenyi, “Nanguhanjika ngwami kachi kala muthu mwakafumisamo Lizu limwe kulifumisa muli ou Mukanda, mokomoko kunungako lizu limwe kuli Echi, chihanda chenyi navakaya nakuchifumisa mu Mukanda wa Kuyoya,” mwomwo ikiye apwa kapolofweto wakwonga kukakasana eli

vathu, kaha manyinga avo navakwatondela kumavoko avo vavene, hakulinga ngachize.

⁹⁹ Etu twatela kulama chize chihela chimwe cha kulifukula, nge chili, Yesu Kulishitu eli Lizu, youmwe zau, lelo, na hayamyaka. Amena. Chosena chakwoloka. Anuka, kakweshi chihela chikwavo chakutungila kulifukula, keshi chihelako. Kalunga asakwile Echi.

¹⁰⁰ Yowano, kuyima kuze hamakanyiko mukachi ka Tesitamende Yayihya na Yamwaka. Ivwulilenu kanawa jino. Talisenu kanawa. Yowano, uze kwaze wamunene, kwiza nakutuka kufuma mupambo likumbi limwe, namavava eyi amanene kutanduuka. Ikiye kupwa kungenge ya kalwiji Yotane, uze kwaze wamunene kapolofweto uze anungile Tesitamende Yamwaka na Yayihya, kaha ikiye avasanyikile kufuma kuchilyo na chimoswe. Ikiye apwile nakusanyika likumbi lya kupihilila na kwalumuka.

Kuze kwejile va Fwaliseu nava Sanduke; ikiye ngwenyi, “Kanda kuputuka kuhanjika mukachi kenu, ‘Etu tuli na Apalahama kupwa setu,’ mwomwo Nangumilweka enu nge Kalunga nahase kuli awa malolwa kukatula vana va Apalahama.” Mamaah, yami!

Omwo ikiye aputukile kumbila Mujimbu wenyi wamwaza wenyi, kaha kuhanjika, “Kuze kunemana Umwe mukachi kenu, Uze munahono kutachikiza. Ngunamujimbula lyehi Ikiye, oloze Nangukamutachikiza Ikiye omwo Ikiye mweza. Kangweshi wakutelamoko kukasununa mihya ya hasapato Yenye. Oloze Ikiye mwakamijimika na Shipilitu Wajila na Kakahya. Kaha chipekwiso Chenyi chili mulivoko Lyenyi; Ikiye mwaya nakupekula kanawa hamavu Eyi, kaha Ikiye mwaya nakwocha musungu na Kakahya kakuzeneka kujima.”

¹⁰¹ Uze kwaze wamunene wa Mujimbu wamwaza kutwama kuze, omu atambakanyine nakutenuka chachinene. Kaha majio alovokele, mokomoko Helote, uze mwangana halwola luze, kulivuluka, ambachile lyalyenyi. Kaha munahase kushinganyeka uze kwaze wa munene wa Mujimbu wamwaza kutwama kuze na kukwachilila kuunda hali chize?

Vamwe vavo vambile ngwavo, “Kanda kunangula ha kulimbata na kulukulula jino, Yowano, mwomwo Helote natwamae haze.”

¹⁰² Ikiye atambukile na kuya kumeso eyi kaha ambile ngwenyi, “Echi kacheshi mujishimbiko ove kupwa nenyi.” Chakwoloka!

Ika, ikiye apwilenga? Ikiye apwilenga uze kwaze kufuma mupambo. Ikiye kapwilenga wakulongesa mwishi ya kulizakamina na woma wa muthu, wa chikungulwilo chimwe. Oloze ikiye apwile wa kulongesa mwishi ya ngolo ja Kalunga wa Undume, kutachikiza chuma muka nachipwa. Ikiye atachikijile katachikijilo ka Meshiya.

Haleluya! Eli lizu omu lyalumbunukila, “Kwalisa Kalunga ketu!” Kanda kwivwa womako. Kangweshi na kulemeka kalamuthuko. Kangweshi wakuwahilila. Ngunatachikiza oho Nguli.

Mamalelo, omwo Nangushinganyeka ikiye, uze kwaze wamunene kutuka haze na kutwama hamavu! Ikiye ambile ngwenyi, “Nanguya nakumutachikiza Ikiye omwo Ikiye mwakeza.”

¹⁰³ Likumbi limwe ikiye emanyine kuze, kunangula. Vaze tupilishitu vapwile kusali ikwavo, ambile ngwenyi, “Ove unatwale nge kulinakwiza lwola lwa mulambu wahakumbi hakumbi navakamufumisako; ize tembele yayinene ize vatungile, kaha milimo yosena yakuhakamo, kupwa chikungulwilo chachinene?”

Ikiye ngwenyi, “Kuli nakwiza lwola omwo vosena navakaufumisako.”

“Echi kacheshi kuhasa kupwa ngochoko. Ove uli kapolofweto wakwonga!”

¹⁰⁴ Kaha ikiye atalile nakujinguluka. Ikiye ambile ngwenyi, “Tala, Ikiye uze ali haze! Chize chihela chakusakula cha Kalunga cha kulifukwila. Uze ikiye mwana Mukoko, uze mwana Mukoko ivene uze mwambata shili ja vakamavu.” Ikiye kahanjikile ngwenyi, “Ou mweza hano ka Mesondisiti, ou mweza ka Mbaputishiti, mokomoko Katolika.” Ikiye ngwenyi, “Uze mweza mwana Mukoko wa Kalunga uze mwambata nakufumisa shili ja kaye.”

Chihela kaha chakukingiwa chiliko shina muli mwana Mukoko wa Kalunga. Muli Ikiye ukawenyi mukiko muli ulwilo; keshi mukala liukako, kala jishimbi javathu, kala vathu, kala tata, kala mama, kala muthu wakujila, mokomoko chumachimwe, chihela chakujila. Shina muli Kalunga Wakujila, uze Mwata Yesu Kulishitu, chize chihela Kalunga ahakilemo Lijina Lyenyi muli muthu wa Nyama, kupwa mukakusokola, Uze afwetele ndando ya vakashili. Chize chikiko kaha chihela muli ulwilo. Lize likiko kaha Lilolwa Ngunemanaho.

¹⁰⁵ Yowano amusulwele Ikiye. Ikiye ngwenyi, “Kangwamwijiva Ikiyeko omwo Ngwamumwene Ikiye kwiza nakutambuka, oloze kuze Ngwatambwile shikola yami...” Keshi mukulilongesa nge ise alingile; keshi nge kapilishitu ko, wakulongesa. Oloze muze mupambo, muze ikiye apwilenga nakunangula vyauthu vya Kalunga wa Undume, kuvandamina ha Lizu lya Kalunga; keshi lizavu limweko lya vathu vanatoteka, oloze chumamuka Kalunga nahanjika hali Chize. Kaha omwo Yowano atalile kwilu na kumona Shipilitu kwiza, ikiye ngwenyi, “Nangukopa unjiho, ou ali Ikiye.” Mamaah, yami!

Chize chikiko chihela chakulifukwila. Chize chikiko chihela chakuswama. Kuli mwana Mukoko wa Kalunga uze mwambata

nakufumisa shili ja kaye. Keshi liukako, kakweshi lushimbi lwavathu, mokomoko chumachimwe nawa, oloze mwana Mukoko wa Kalunga uze mafumisa shili ja hakaye.

¹⁰⁶ Talenu omu Yowano achihakile? Ikiye kahanjikile ngwenyi, “Enu Vafwaliseu echi chakwoloka, enu Vasanduke, Vakahelote.” Ikiye ngwenyi, “Kuli mwana mukoko.” Chize chikiko chihela. Ikiye akwechi Lijina. Ikiye napu Umwe. Keshi lijina likwavoko mwishi ya Mwilu!

¹⁰⁷ Tala omwo Yesu ahanjikile hali Yowano jino. Likumbi limwe Yowano atumine kuli Ikiye, kumona chuma muka Ikiye apwilenga nakulinga. Yesu ahanjikile kuli ikiye, “Ikiye apwilenga uze wamunene kaha nakumunyika,” kusolwesa vakiko jila yakwoloka vakiko vatela kukavangiza shimbu kanda kuvilika Chenyi, Kulivika chenyi chetete. Ivwulilenu kanawa. Kanda kujimbalisa echiko. Yesu ngwenyi, “Yowano apwilenga kumunyika.” Malaki 3, kakweshi kuluwisa! Uze kapolofweto na kumunyika chachinene chamusolwele Yesu kupwa kaha Umwe kaha, “uze Mwana mukoko.” Mikoko vakwavo vosena vaze tupilishitu vapwilenga nakuhanjika hali chize, kaha vakikovosena na vyuma, vapwilenga vileya. Hano hakiko hapwilenga “uze mwana Mukoko!” Uze muthu na kumunyika chachinene, nge Yesu ngwenyi ikiye apwile.

Malaki 3 ambile ngwenyi, “Nanguya nakutuma muluwa Wami kumesa Ami kuwahisa jila.” Kaha uze umwe apwile wakutuma kuwahisa jila, kulisolola Lyavene, kupwa chihela. “Uze apwilenga Ikiye! Kuze kakweshi kuluwisako. Uze apwilenga Ikiye! Ngwamono chinjikizo kumukavangiza Ikiye. Ngunatachikiza nge apwile Ikiye; chize Kumunyika kwiza nakushikumuka kufuma Mwilu na kwiza hali Ikiye.” Chapwile vene chivene, uze pwile Ikiye.

¹⁰⁸ Kahajino, ndumbwami walunga, Ngwakutonda kumihula enu chuma chimwe, mukusoka. Etu tunhase kuhanjika echi. Mu Malaki 4, kumana netu nawa kavatushikile kupwa na kwaze mukwavoko, Panda ya mulangi wa Kakahya kupwa nakumukavangiza, kusolwesa liuka lyakuhenga lya lelo lize Ikiye linapu mu Hepeleu 13:8, “uze youmwe zau, lelo, na hayamwka”? Kumana kavatushikile mukwavo umweko kwiza nakutuka kufuma mupambo? Amena! Echi chinapu vene Muchano. Omu chili chakutamo nakutombola hamwe na Luka 17:30, kuze Mwana muthu (Kwaze) mwakeza nakulisolola Lyavene kuneha makumishilo kukulifukula cha vihela vikwavo, vykufwana nge vikungulwilo na vyangocho!

Kalunga asakwile chihela Chenyi. Yowano ambile ngwenyi, “Mukiko Echi!”

¹⁰⁹ Kaha jino etu vatushikile chuma chochimwe muli lino likumbi, Malaki 4, “Kwalumuna michima ya vana kukindulwisa,” kuhanjika nge Ikiye kafwileko, vyuma kana

keshi vya chisemunuino chikwavoko; kujimika mu Lijina Iya Yesu kachapwile cha kunyima kahako, oloze Ikiye napu youmwe. Amena. Kuneha makumishilo kuvihela vyeka vyakulifukula, omu mukiko kwaze walikumbi lyamakumishilo atela kulinga, kusolwesa nge vosena vanapu vyauleya, chikungulwilo unapu uleya, oloze kwinyika cheka na chinjikizo chochimwe chize Ikiye alingile, nge Ikiye apwa youmwe zau, lelo, nahaya myaka. Haleluya!

¹¹⁰ Nawa, mu Kusoloka 4:7, etu twapwanga na Visuma vawana vze etu tunahichihio.

Uze watete apwile, etu tunawane...kuwana, apwilenga ndumba. Uze apwilenga Chisuma watete uze ayile nakuliwana na ukalu walize likumbi, uze Ndumba wa MUYACHI wa Yuta.

Hanyima ya Ikiye kwiza nakupwa Chisuma mukwavo. Kaha etu kuwana, na Chisuma wakushisaho apwile ngombe, napu chisuma wakulemuwa, mulambu. Mu makumbi a cathedral ya mu Loma, eli Liuka lyafwile; mulambu.

Chakushisaho, apwile muthu, apwilenga Chisuma na meso amuthu. Kaha uze muthu apwilenga mukakutungulula, shikola ya muthu, kutanga chauthu, na vyangocho.

Oloze Chisuma chamakumishilo chize apwile nakutuka, Chisuma wamakumishilo mwekaze, mu Mbimbiliya yahanjika nge apwilenga kwaze wa kutuka. Haleluya! Kaha uze kapolofweto ambile ngwenyi, mulikumbi lino, "Nakukapwa Kumunyika." Mamalelo, yami! "Muli lize likumbi nakuya nakupwa Kumunyika."

¹¹¹ Kulinakuya mnakupwa likumbi lyakutungulula. Kuze kunapunga likumbi lize kupwa kaha muvimbimbi, namukahona kusanyika kupwa likumbi mokomoko ufuku. Oloze mulwola lwa chingoloshi, mu lwola lwa Ngonga:

Nakukapwa Kumunyika hali luze lwola lwa
Kwaze,
Eyi jila ya Upahu enu namuya nakuwana;
Mu jila ya meya yinapu Kumunyika lelo,
Kumufunda mu Lijina Iya mwaza Iya Yesu.
Mukweze na mukulwane, kupihilila ha jishili
josena,
Ou Shipilitu Wajila mwaya vene nakumijimika
muli enu;
Mwomwo Kumunyika cha chingoloshi chineza,
Ou unapu muchano nge Kalunga na Kulishitu
napu Umwe.

¹¹² Amena! Nakuya nakupwa Kumunyika ha lwola lwa chingoloshi, Kalunga chihela chenye asakula chakulifukula. Mamalelo, ou ukiko Mujimbu uli nakwiza, chuma muka Ikiye mwakaya nakulinga? Kaha mu likumbi Lyenyi nakukapwa Kumunyika ha lwola lwa chingoloshi, kaha (chumamuka?)

kulisambilila na vana Venyi kukinduluka kwimbo ku Lifuchi lya lushiko lyamuchano, ha chinjikizo chochimwe cha Panda ya mulangi wa Kakahya uze atwaminyinenga vana va Isalele kuhita mupambo.

Kalunga chihela chenyi asakula chakulifukwila, Yesu Kulishitu. Chize chikiko chihela kaha. Lize likiko Lijina lya Kalunga lya ulwilo. Mukiko Ikiye navuluka chisaka chenyi Mwilu, omwo chili hamavu, napu Yesu Kulishitu.

¹¹³ Ove liuka, Ove vathu, sepa mukashili, kanda kufwelela chumacheka oloze Yesu Kulishitu. Kanda kufwelela muli kala mukakunangula. Kanda kufwelela muli kala muthu weka nawa kukulwila. Kuhona kufwelela kala liuka, kala lushimbi lwavathu, kala chikungulwilo. Kufwelela muli Yesu Kulishitu, mwomwo Ikiye napu Kumunyika cha eyi lwola.

Echa etu tunongame mitwe yetu.

Nakupwa Kumunyika helu lya lwola lwa
chingoloshi,
Eyi jila ya Upahu enu namuya nakuwana;
Mujila ya meya Kumunyika cha lelo,
Kumufunda mu Lijina lya mwaza lya Yesu.
Mukweze na kashinakaji, kupihilila jishili
josena,
Ou Shipilitu Wajila mwaya vene nakwingila;
Kumunyika cha Chingoloshi nakwiza,
Echi chinapu muchano wa Kalunga na
Kulishitu ali Umwe.

¹¹⁴ Mamalelo, ndumbu walunga, ndumbu wapwevo, kachi ove kaweshi kwalumuka nakupihililako, kachi ove kawajimikile mu Lijina lya Yesu Kulishitu, unahase kuputuka ufukuuno? Unahase kuhana Kalunga lisesa lya kwiza ove muchihela kuze ove kulifukula Ikiye? Anuka, kusali ya kuze, kuze kakweshi chihela chize Kalunga ashikile kuliwana na ove na kwiza nakulifukula.

¹¹⁵ Ove ngwove, “Ndumbu walunga Branham, Ngweji kulifukulanga kaha wakushishika!” Shikaho mukiko alingile na Kena. Ikiye alingile kala mulambu uze Avele lingile, oloze wapwile mulambu wakuhenga. Ove unahase kuya muliuka, nakufweta chamulikumi chove, kaha kulinga mulimo wove kupwa Mukakulishitu atela kulinga, kupwa wakushishika nge kala muthu mokomoko pwevo.

Ngunemana hano jino ha myaka setiseli, muno mumbongi kuno, na kutambakana ou Mujimbu woumwe. Ngulinakukula. Kangweshi kupwa hamwe naove chikumako. Oloze anuka, muli lize Likumbi lya Kusopesa, lizu lyami vali nakulimbata, kaha nayiya nakuhanjika hali ove.

¹¹⁶ Kuli kaha chihela chimwe chize Kalunga ahaka Lijina Lyenyi, kaha kacheshi muliuka ko, oloze muli Yesu. Kuli

kaha chihela chimwe chakulifukwila, chihela chimwe kaha ove unatambula, kaha uze na Wakuzanga, Yesu Kulishitu. “Kakweshi lijina likwavo mwishi ya Mwilu, vanahane kuli vathu, lize vatela kumulwila,” kakweshi liuka, kakweshi jishimbi jauthuko, kakweshi chumako. Yesu Kulishitu!

Kaha uze atela kupwa Mujimbu wa ola, “Kutungulula cheka michima ya vana, kukinduluka ku Lufwelelo luze vahanyine kamwe kunahu kuli vakakujila.” Kaweshi kwitavila Echi ufukuuno?

Kaha shimbu etu natupwa na mitwe yetu yakunongama.

¹¹⁷ Kaha vaze vanahase kuanuka mukulomba, munahase kuzundula mavoko avo kaha. Etu katweshi kupwa na kusanyika chakamenga, mwomwo echi chinapu vavavulu. Kalunga akukisule. Yami! Kuchimoswe chami, Ngunashinganyeka kuli seli handulendi.

¹¹⁸ Jino kulivoko lyami, zundulenu mavoko enu, kuhanjika, “Ngwatondo kwanuka.” Ngunashinganyeka kupwa na handulendi na fifite, mokomoko kuhambakana, kulivoko lyami.

Etu tukwechi mbalaka kuno na chijiva chachinene cha meya; pashita, pashita wamwaza, Ndumbu walunga Orman Neville, muhato, vaze malunga kujinguluka hano ove kumumona na kuliwana. Kala likumbi, kala ufuku, kala lwola, vathu kutonda kupwa vakujimika, chize kwalumuka, chili lwola lwosena kuvandamina. Kaha kachi ove unononoka eji jishimbi, enu kupwa na echi, ha lushiko lwa Kalunga, kachi ove unapu wakushishika mumuchima wove, nakutambula lujimiko lwa Shipilitu Wajila.

¹¹⁹ Kuli kaha chihela chimwe cha kulifukula. Jino, chize kacheshi mu mbalaka ko. Echi chili muli Kulishitu. Natuya ngachilihi nakwingila muli Ikiye? “Ha Shipilitu yimwe etu vosena vanatujimika mu Mujimba umwe.”

Echenu tulombe.

¹²⁰ Kalunga Wamwaza, shimbu awa mavoko anazunduka helu, vakiko chinjikizo chapwile mwishi ya livoko lya mukachi ka muchima, kukunyuka vakiko kupwa vakukunyuka vakiko kukafwa kufuma kuli Ove. Ngwalombele hali enu vosena, Tata. Kaha Ngulinakuya nakuhanjika Lizu Lyove. Ove ngwove, “Wosena owo mwevwa Lizu Lyami, na kufwelela hali Ikiye uze angutumine Yami, ali na Kuyoya cha hayamyaka, kaha keshi kaya nakwiza ku Kusopesako; oloze nahichi lyehi mukufwa nakwingila mu Kuyoya.”

Tata, kupwa nakuya kufuma mu mbongi milungu yayindende, kwiza nakukinduluka kunyima, kuhula, “Hali echi chimwe?”

“Mwomwoika, vakiko vanayi.”

“Chamwaza, ngachilihi . . .”

“Vakiko vanayi.”

¹²¹ Ove Kalunga, hali umwe na umwe etu twasayikile, umwe na umwe etu kuliwana na ukalu kutambuka kuhita muchinema cha muvwimbimbi wa kufwa. Kaha echi chili kutesekesa na umwe wetu, kupwa muthu wanyama. Oloze, ufukuno, Ove unahane mbango Yove, nge kachi etu natuhasa kufwelela hali Ikiye na kupwa wakujimika mu Lijina Lyenyi, nge Ove muya nakutumbata. Kaha jino muli ou Mujimba, Mujimba wa Kulishitu, keshi muliukako, oloze mu Mujimaba wa Kulishitu, uze Mujimba vanausopesa lyehi. Kawatela kwiza na Kusopesako. Kalunga ahingunuine ndombu Yeniy ha mujimba, kaha uze mujimba wakasunuka kushili; kaha, kupwa muli Ikiye, kuhaka kukasunuka kufuma mushili, ha Kutomesa Chenyi chize ikiye afwilile hali etu. Kaha muze etu natupwa na kulikata naumwe namukwavo, shimbu Manyinga a Yesu Kulishitu, Mwana Kalunga, kutulama vatoma kufuma kushili josena na kujiluluka.

¹²² Tata Kalunga, Ngwalombo nge Ove uyenga nakuvahaka mu Wangana Wove. Tuhanecho echi, Kalunga. Echa kuhona kupwa umwe wakujimbala; echa kanda nakupwa kanyike walunga mokomoko wapwevo, lunga mokomoko pwevo. Mwata, vathu vamwe vami kutwama muze, ufukuuno, chize chinapu kufuma mwishi ya Manyinga. Omu nanguhasa Kwanuka mazu atata! Kaha Ngwalombo, Ove Kalunga, kwauchi umwe wavo mwakaya nakujimbala. Tuhanecho echi, Mwata. Nguli nakufwelela Ove jino, na vyosena vize Ngwatela kufwelela hamwe.

¹²³ Tambuka hali vandumbwetu vamaunga, vandumbu vamaapwevo, masepa jami, hano muli chino chihela ufukuno kaha kuya kuze nashinga. Kupwa mafuchi akuhandunuka kwivwulilamo, mujila kufuma mu Kungenge ya Kumututuko na Kumulauko. Ngwalombo, Ove Kalunga, mujila yakushikumuka kuzauka pambo kuya mu Tucson, mujila kuze mu California, kuze mu Nevada kaha Idaho, mujila muze ku Kutuka na kujingluka, mwishi ya Texas; shimbu kanda kuhana kwitavila, vathu kutwama mu—mu mumauka, hachihela chakuzalisa, mazuvo, kwivwulilamo. Ove Kalunga, echa uze lunga ajimbalishile mokomoko pwevo, kanyike walunga mokomoko wapwevo, ha ola ino, kwiza kuli Ove. Tuhanecho jino. Etu twalombo echi mu Lijina Iya Yesu, nge vakiko navawana chino chihela chakukingiwa shimbu chili lwola.

Omwo, etu twamwene kusoneka ha mbango, mavu nakulizakamina, lwola lwa kusokoka chinahete. Chinahanda cha lifuchi kujiminyina, chihanda chikwavo kutanduuka na kutotoka na mundende, kupwa kaha nge Yesu ashikile kupwa. Echa echi kacheshi kushimbula kuli vakikoko, Mwata. Echa vakiko vetavile echi jino, mwomwo etu natukavahana kuli Ove nge luheto lwakuliwana, cha Mujimbu wamwaza, mu Lijina Iya Yesu. Amena.

124 Enu mwamufwelela Ikiye? Kalunga amikisule. Vangahi vafwelela nge unapu Muchano, kuchimoswe chami? Katula livoko lyove. Vangahi kuchilyo chami? Zundula livoko lyove. Kalunga amikisule. Nge omu Ngunamono, muthu wosena. Ou ukiko Muchano, masepa. Kalunga natachikiza nge kupwa muchano.

125 Jino shimbu muli Ikiye, kaha kupwa muli Ikiye, ove ukwechi wakatela kulinga vyumavyosena Ikiye afwilile. Kaha chuma muka Ikiye afwilile? “Ikiye vamulemekele ha milonga yetu yashili, vamujihilile ha upapwoke wetu; kuzangamisa cha kutunehela kuunda chapwile hali Ikiye, kaha mu mikiki Yenye etu twahinduka.” Enu mwafwelela echi? Ove wafwelela mu kutomesa Chenyi ha kuka jino?

126 Kuliko umwe wakuviza mukachi ketu? Echa vakiko vakazundula mavoko, kuchilyo mokomoko kuchimoswe. Mazuvu amavulu ava vakakuviza. Kangweshi kusanyika mukana. Mwamono, Kangweshi. . .kangweshi kukanduka hakamenga. Kakweshi jila yimwe yakulinga nechiko.

Vakiko kupwa na kuliwana cha kulombela muvihela vikwavo, hali mukakuviza, mu mauka aba vyuma, muze mu mbalaka.

Nguli nakuya nakumihulisa enu chumachimwe. Vangahi vakakufwelela vali kulih? Imika livoko lyove. Chosena chakwoloka. Nguli nakuya nakuhanjika kuli enu eli Lizu ou napu Kulishitu. Yesu kutuma chenye chamakumishilo ku kaye, kaha ku Liuka, kupwa, Ikiye ahanjikile echi, “Evi vinjikizo navikakavangizanga vaze vakakufwelela; kachi vakiko navahaka mavoko avo hali vakakuviza, vakiko navakayoya.” Vangahi vatachikiza echi kupwa muchano, Mako 16, kuhanjika, “Amena.” [Chikungulwilo ngwacho, “Amena.”—Muka.] Chosena chakwoloka. Ngulinakumulomba nge vakakufwelela kuhaka mavoko hali muthuumwe ali kulutwe lwove. Kuhaka kaha mavoko enu hali muthuumwe kulutwe lwenyi, kaha echa kala kulomba kulombelela hali umwe namukwawvo. Kuhaka mavoko enu kuze hali muthuumwe ali kwakamwihi na ove.

127 Mwata, hano shimbu kanda yami chimbokishi cha malesu, muvihandavihanda; vamwe vamama vamwaka kupwa kuze, kufwa, kema hakamwihi na kufwa, vathu kuviza kumwe. Etu twatange mu Mbimbiliya nge vafumishile kumijimba wa Paulu malesu na mahina, kaha vawahakile hali vakakuviza; kaha mashipilitu amapi, kaha mashipilitu amapi, kaha kuviza, na misongo, kufuma muli vathu. Jino, Mwata, etu tunatachikiza etu katweshi Mukakujila Paulu ko, oloze etu tunatachikiza nge Ove hanga kupwa Yesu, kala chihela cha kulifukula cha Kalunga. Kaha jino, lelo, vathu ha kwitavila lufwelelo lwovo, nge kufwelela nge kuli vaze vathu. Punduvene Ove unatungu jila hali vakiko! Kaha Ngwahakile mavoko ami hali awa malesu

na kulomba misongo na kuyanda seza mijimba ya vathu ava navakatuhaka mu Lijina Iya Yesu Kulishitu.

¹²⁸ Jino, etu vanatunangula, nge Isalele apwile nakwiza kulovoka mu Ejiipitu, mu mukana wamulimo, vakiko vapwilenga mujila yakuya kulifuchi Iya lushiko. Kalungalwiji Uchila engilile mujila yavo. Kaha Kalunga atalile kuhichila mu Panda ya mulangi wa Kakahya, kaha uze kalungalwiji evwile woma, akindikile nakukinduluka kunyima, kaha echa Isalele vahite kulifuchi Iya lushiko. Ove Kalunga, tala mwishi ya kuhichila mu Manyinga a Yesu, ufukuuno, kaha echa misongo yifume nakuhiluka kunyima, kaha Satana kumutapula. Kaha echa vathu vechenga lushiko Iwa kulikangula chamwaza na ngolo, nge Kalunga ambile ngwenyi, “Helu Iya vyuma vyosena, Ngwafwila enu muhase kupwafukile mukulikangula.”

¹²⁹ Jino nge omu Ove kumona kuze, Mwata Yesu, mavoko a vathu kuhaka hali umwe namukwavo, vakiko kupwa chifwanyisa cha lufwelelo, nge Ove mwamba ngwove, “Evi vinjikizo navikavangiza vakakufwelela.” Vakiko vali nakulomba mujila yavo vavene, kupwa umwe namukwavo. Muthu mukwavo ali nakuvalombelela vakiko.

¹³⁰ Jino, Mwata, ou ukalu unapunga kuliwana, Satana, kukaluhwa chachinene, ikiye kapwilenga na lisesa Iya kukwachilila na mwana Kalunga. Ikiye napu muthu wakuhona. Yesu Kulishitu, chihela kaha chakulifukula, Lijina kaha limwe Iya muchano, kumuhonesa ku Kavali. Kaha etu twakujika Manyinga Eyi hano vene, nge Ikiye ahonesele misongo yosena, musongo wosena.

Kaha Ngunasanyika Satana kufuma mulizavu. Mu Lijina Iya Yesu Kulishitu, lovoka muli ava vathu ava, kaha vakiko vapwenga vakukasunuka.

¹³¹ Muthu wosena kwitavila kuka chavo hano chikuku cha Lizu vasoneka, kulingisa unjiho wove kwimana hamahinji enu na kuhanjika, “Nguli jino na kwitavila kuka chami mu Lijina Iya Yesu Kulishitu.” Katuka kumahinji ove.

Kwalisa kuli Kalunga! Ove haze. Tala kuze kuno, vitonji na vyuma kulinga. Kwalisa chipwenga kuli Kalunga! mukiko kaha. Fwelela kaha. Ikiye ali hano. Kuwaha muka!

¹³² Fuma mulizavu, kusali kuweluka, ha jitambo, ove watela kumona! Ngwashingtonyeka kala muthu muno, nge omu Ngunatachikiza, mokomoko vavavulu hali vakiko, vali nakwimana halwola luno. Mamalelo, lwola lwamwaza! Chize Kumwa cha Mwata, chize chikiko chumauka! “Kuze kuli Kupwa cha Mwata, kukiko kuli kukasunuka, kuze kuli kukasunuka.” Eyi Shipilitu ya Kalunga kutulingisa kukasunuka.

¹³³ Jino nge Ikiye natuhindula, etu twafwelela echi. Ikiye atulwilile etu; etu twafwelela echi. Vaze vanatondo kuvajimika,

chijiva chinalizange lyehi. Kala lwola, kala lwola ove unatondo kwiza, kuze kuli mthumwe kuze kupwa kuli echi.

Kaha jino Ngwashinganyeka, shimbu kanda etu tusoke, etu twatela kwimba mwaso wamwaka wa liuka. “Ngwamuzanga Ikiye, Ngwamuzanga Ikiye mwomwo Ikiye chatete anguzangile yami.” Katulenu mavoko etu kuli Kalunga na kuwimba na michima yetu yosena!

Etu twatondo kuliwana na enu hano muchimene, ha naine seti, eyi zuvo yoyimwe, ha mutwe wa *Kulimbata Na Kulukulula*. Chosena chakwoloka.

Echa twimbenu jino hamwe.

Ngwamuzanga Ikiye,

Echa eli lizavu lyalinene jino! Mujila yakuya ku tambo, kuwimba, nawa.

Mwomwo Ikiye avangilile kunguzanga
Kaha alanjile ulwilo wami
Ha mutondo wa Kavali.

¹³⁴ Kulihi chinalingika? Ha mutondo wa Kavali. Shimbu etu natwimba cheka, Ngunatondo enu kulimeneka mumavoko na mthumwe na ove, kuhanjika, “Kalunga amikisule, ungeji.”

Ngwa . . . (. . . ? . . .)
Mwomwo Ikiye chatete . . .
Kaha alanjile ulwilo wami
Ha . . .

¹³⁵ Mamalelo, kamwamuzangako Ikiye? Kumana Ikiye keshi wamwazako? Ikiye Napu Chihela Chove chakuswama? Ikiye napu Lilolwa mulifuchi lyakuzeya, Zuvo mulwola lwa nyamanganda, chihela kaha Chakuswama Ngwatachikiza. Shikaho:


Lufwelelo lwami lwatale kuli Ove,
Ove Mukoko wa Kukavali,
Mulwilo wa Ukalunga;
Jino ngwivwulile yami shimbu na Ngulomba,
Mbata kupaya chami chosena,
Echa yami kufuma likumbi lino
Kupwa kaha Wove!

Echa tuzundulenu mavoko shimbu tuli nakulomba.

Lufwelelo lwami lwatale kuli Ove,
Ove Mukoko wa Kukavali,
Ove Mulwilo wa Ukalunga;
Jino ngwivwulile yami shimbu na Ngulomba,
Fumisa shili jami josena,
Mamalelo echa yami kufuma likumbi lyalelo
Kupwa kaha Wove!

Echa etu tunongame mitwe yetu jino shimbu etu natungunguta.

Shimbu chiyoyelo chili mumilima omu
Ngunemena,
Kaha kunyengetela chinangujinguluka yami,
Pwako Ove twamina Yami;
Kasa milima kupwa musana,
Hunda masoji a ushona,
Nge chiku yami na nguhungumuka
Kufuma kusali Yove.

Shimbu enu mitwe yenu yanongama, wakuzanga kafunga,
Ndumbu walunga Orman Neville, mwamwanga lizavu. 

CHIHELA ASAKULA KALUNGA CHAKULIFUKWILA LVE65-0220

(God's Chosen Place Of Worship)

Ou Mujimbu kufuma kuli Ndumbu wa lunga William Marrion Branham, vawambulwile hakuputuka mu Ingilishi a Sateli chingoloshi, Kutatu 20, 1965, ku Parkview Junior High School mu Jeffersonville, Indiana, U.S.A., vanaufumisa mu muzu vakopele ha tepu na kuusoneka mu Ingilishi chakuzeneka kuwalumuna. Echi kwalumuna Lilimi vachinungulwile vausonekele na kuupangila kuli vaka Kukopa cha Lizu Lya Kalunga.

LUVALE

©2022 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org

Tachikizenu lisesa lyakufwatula

Kulama lisesa lya kufwatula. Ou mukanda vanahase kuufwatula kumakina akuvulisa a hembo kupwa wakuzachisa kuli muthu hakapanji kenya mokomoko kuhana kweka, wa wana wakanyombo, kupwa chitwa chakutanjisa Mujimbu wamwaza wa Yesu Kulishitu. Ou mukanda kavatela kuulanjisako, chipwe kuyitunga yayivulu chikuma, chipwe kuyihaka ha peho ha website, kuyitulika muze vanahase kuyifumisa, kulumbununa mu malimi eka, mokomoko kuuzachisa kupwa jila yakutambwilamo mali chakuzeneka lisesa lya kusoneka kufuma kuli vaka Voice Of God Recordings®.

Mwatondo kutachikiza vyavivulu mokomoko vyuma vikwavo, kaha sonekelenu ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org